

L A M I N I I  
T H E O L O G I A R G I V I  
A D  
T H A D D A E U M  
S. R. I M P E R I I  
C O M I T E M D E T R A U T M A N S D O R F  
C O N T R A L I B R U M  
*De Tolerantiâ Ecclesiastica & Civili*  
E P I S T O L Æ T R E S .



PERUSIÆ *Superiorum permissu.*

---

*Prostant Romæ apud Joannem Zempel  
& Bouchard & Gravier.*

Quæ obtusio intelligentiæ est? Quæ cordis hebetudo? Quæ oblivio spei? Quæ mors scelerum? Quod odium veritatis? *In Damna-  
torum favorem, Dei amorem transducunt.*  
Hilar. Pictav. epist. ad Constant. August.

# EPISTOLA I.

*De nonnullis, quæ tam ex Historia, quam  
ex Patribus, vel falso asseruntur,  
vel adulterantur,*

I. **P**Erjucunda mihi fuere colloquia tua, Thaddæe mi amantissime, sed quod in vario sermone qui nobis incidit paucos ante menses, promiseram tibi, ecce nunc omnibus palam facere, aggressus sum errores, qui reperiuntur in Libro de Tolerantia Ticini edito nomine tuo. Non me latet, adolescens præclarissime, quod effertur per Ephemerides *Florentinas Seculi* 18. (1) quæ Annales Ecclesiastici perperam inscribuntur; te nimirum, posthabitis Romanis præceptoribus olim tuis, nova exiistimatione ac reverentia motum erga Tamburinum & Zolam, quorum præceptis institutisque Theologiæ modo frueris in Ticinensi Academia, tuum commodasse nomen Libro de Tolerantia, quem ipsi conscripserunt. Ast quid quid sit de hoc, quemadmodum dolet videre te optimæ spei juvenem causa tam mala implicatum, sic recreat me indoles illa tua, qua optime cum præditus sis, non vales veritati resistere: quæ, ut scis, licet nullum patronum, aut defensorem obtineret, tamen per se ipsa defenderetur.

II. Ecquis enim non ægre ferat videre te rumusculos aucupari hominum imperitorum, totque falsitates jactantem, quot vix quisquam numerare possit? Verum quemadmodum tam multa nihil forsitan mali suspicans, adoptasti, ita ubi vel falsa, vel adulterata esse

A 2

(1) N. 47. 19. Novembre 1784, Artic. Bassano.

esse cognosces, plane confido illa te ingenue rejecturum. Non agam tecum de doctrinis, quas tibi cum Romæ degeres comparaveras, ne uti quidem soletis, tu novique tui Institutores, plus æquo me Romanis addictum esse vociferemini. Eas ego quæ Orthodoxorum omnium communes sunt veritates, quasque vos inaniter oppugnatis demonstrabo. Neque vero in omnia, quæ sunt in opusculo tuo notatu digna animadvertam. (Non enim est otium); sed in aliqua solum quæ longius a vero distant, quæque in Romanam Ecclesiam, in Summos Pontifices eximia sanctitate & doctrinâ præditos, in Corum episcoporum maxime occidentalium, universamque Occidentis Ecclesiam, a te vel a tuis falso & contumeliose jaciuntur. Veruntamen hoc unum scias oportet, epistolas meas non ideo ad te missas, quia opus de Tolerantia quasi tuum sit habitum vel habendum, sed quia tuo nomine est prolatum in medium. Quas graviter si pati in veros retorqueto auctores. Age ergo, certamen aggrediamur.

III. Ne forte miles tardus videaris Apostatam Curayerium sequutus, (1) ab Ecclesiæ fere primordiis damnare incipis Romanos Pontifices, qui in negotio celebrationis Paschatis atque Rebaptizantium avitam tuebantur doctrinam, docebantque veritatem Catholicam. Imo ut superius ascendas usque ad ætatem Apostolorum, probare niteris (2) illam tuam propositionem capite quarto prolatam, & sæpius repetitam = *Ecclesiam plura licite posse, & debere tolerare mala* =. De valore hujus propositionis nihil dicam; nam potius historice & critice, quam dogmatice loquar. De Legalibus enim quod scribis exactum vellem ad

S. Augu-

(1) Histoire du Concile de Trente Preface in fin. Tom. 1. pag. xxviii. Londr. 1736.

(2) De Toler. cap. 5. pag. 60.

S. Augustini epistolas ad Hieronymum , cuius quidem Augustini auctoritate , maxime comprimenda eorum audacia est , qui false & impudenter se discipulos Augustini jactant . Vellem etiam S. Justini Apologiam legeres , & Dialogum cum Tryphone . Forſitan non clamares pag. 60. ,, *Sed videamus , qua ratione personas errantes consueverit Ecclesia tractare , quoniam in gratiam earum vel ipsos errores non semel toleravit* ,, . Selectis ergo seu potius excogitatis id probas exemplis , vel maxime eorum , qui in exordio Ecclesiae tolerati fuerunt , quamquam Legalium observantia fuerint nimis detenti . Sed mira confusio ! Primo enim confundis Legalium observantiam cum istiusmodi observantiae fine fideque ; ac insuper Legalium usum supponis quomodocunque adhibitum , errorem in fide omnino esse . Quapropter clamitare non desinis pag. 61. *agi de re gravissima cum ipsa religionis Christianae natura conjuncta , ut constat ex epistolis Pauli ad Galatas , & ex edito illo unanimi Apostolorum sententia Decreto = Visum est Spiritui Sancto & nobis , nihil ultra imponere vobis oneris praeter hac necessaria ; ut abſtineatis vos ab immolatis simulacrorum , & sanguine , & suffocato , & fornicatione .*

IV. Existimas ergo Legalium usum errorem in fide omnino fuisse , nec non post illam Apostolicam Definitionem a Sancto Luca Divinitus relatam , omnes quibus ille sobrie permittebatur usus , a fide aberrasse , tamquam falso crediderint Moseas illas Cæremonias , etiam post mortem Christi ad salutem consequendam fuisse necessarias , ac propterea observandas . Sed longe hinc aberras a veritate . Nunquam enim Paulus , nunquam Apostoli vel Ecclesia Legalitates uti Legalitates damnarunt , quas e contrario in aliquo habuerunt honore . Hinc est quod Apostoli tolerarunt quidem , sal-

va fide, usum Legalium, sed nunquam tolerarunt errorem credentium esse necessarias ad salutem. Etenim hunc una cum suis molitoribus illico damnavere. Si quidem patet unicuique ejusmodi tolerantiae finis, maxime vero legentibus Augustinum (1). Nam primus auctor caeremoniarum, de quibus habetur sermo, fuerat Moyses Judæorum sanctissimus Legislator, quem vel ipse Christus laudaverat. Ergo Apostoli, Fide in tuto posita, ac de ipsa bene doctis Judæis Gentilibusque ad Christum conversis; in Christo videlicet ac per Christum solum cunctis sperandam esse salutem; contra vero circumcisionem atque præputium nihil valere & nihil esse; permiserunt quidem ut tanto Institutori grati animi recordationem, & reverentiam ostenderent, ne viderentur eas veluti malas damnare, Ethnicorum coæquare superstitionibus, ac Divinitus inspiratum auctorem odio forsitan prosequi atque irreverentia (2).

V. Falso igitur asseris (*pag. 62.*) quod *Paulus atque ceteri Apostoli super hoc conniventia usi sint adversus fratres errantes*. Nam quæ a te conniventiae nomine vocatur, vel tibi conniventia esse non potest, quia in re haud mala versatur; vel si conniventia dicenda est, nunquam extitit omnino; cum ea nunquam usi sint Apostoli erga Cerinthianos, qui revera circa Fidem errabant, putantes caeremonias Moseas omnino esse observandas ad salutem consequendam. Noli ergo homines cum hominibus confundere, neque cum re non damnata damnatam. Etenim facilius videbis non conniventia usos fuisse Apostolos erga errores vel errantes, sed ut ad viam veritatis reducerent, adhibita prius humanitate, caritateque Christiana, cum ipsis  
erro-

---

(1) August. ep. 82. alias 19. ad Hieron.

(2) Vid. August. ibid.

erroribus etiam errantes haud tardo anathemate percussisse. Quod est Ecclesiæ ultimum intolerantiæ argumentum.

VI. Quid ergo damnas Victorem Papam, virum, sanctitate præstantem? Quasi non conservasset spiritum Ecclesiæ, quum noluisset Asiaticos celebrare Paschâ more Judæorum, Luna scilicet XIV. Martii, eosdemque excommunicasset? Quid damnas tu qui sæpius magnificis verbis extollis Tamburinianam Dissertationem de summa Catholicæ de gratia Christi doctrinæ præstantiâ ac necessitate? Tu qui usus es Florentina Editione, in qua sub nomine Pauli Delmontii fateris Tamburinum ipsum adnotationes illas adjunxisse, quæ ibidem leguntur? Audi quomodo tu cum Tamburino ex diametro pugnas, nisi dicas Tamburinum ipsum cum Tamburino pugnare? In laudata enim Dissertatione Victorem Papam summopere laudavit his verbis „ Sic etiam in Quartadecimanorum causa traditionis „ Apostolicæ Vindex extitit Sanctus Victor Papa, licet „ a ferenda excommunicatione abstinuerit, nec res ultimo decisa fuerit, nisi in Concilio Nicæno (1). En „ Victor idem, qui ut ais (pag. 67. 68.) Zelo abreptus sub excommunicationis pœna Asiaticos cohibendos esse putavit . . . quique oblitus Apostolicæ lenitatis . . . jecit fulmen excommunicationis, quo tam insignes ecclesias a sui communione sejunxit „. Non cognoscis in contradictione mendacium?

VII. Sed hæc omnia donentur immemori scriptorum ingenio. Utinam pari venia possem remittere quæ sub pagina una ( 67. ) pluribus involvis contradictionibus? Concedis enim „ omnes episcopos tam Orientis, quam Occidentis in eam ( Victoris ) conspirasse „ sententiam; atque eandem Conciliorum fuisse. Qua-

A 4

„ re

---

(1) Tambur. de Grat. Chris. cap. 4. n. 12. Not. 1. pag. 47.

Acacium, Vitalis & Miseni, qui e custodia producti, Constantinopoli cum Acacio & Petro Moggo communicarunt? Quid taces? Siquidem non taceres, nisi scires falsam illam moderationem, & culpabilem conniventiam, veluti pravaricationem ac perditæ fidei crimen damnatum fuisse ab universa Ecclesia, & præ ceteris a Constantinopolitana plebe orthodoxa, & ab episcopis Ægyptiis, Dardanis, Illyricis, Africanis, Italis, Gallis, & Hispanis. Inter quos omnes erant permulti doctrina & sanctitate conspicui, ac præsertim in Italia, Gallia, & Africa (\*). Verum sanctos non curas, nisi si qui sint iudicio tuo, qui faveant hæreticis atque schismaticis. Itaque dum tantam sollicitudinem ostendis, ut nomen Acacii, qui una cum hæreticis persequebatur Catholicos, in diptychis Ecclesiæ tranquillissime remaneret inscriptum, tu ex albo sanctorum, quos universa colit Ecclesia, expunxisti veneranda nomina Romanorum Pontificum Gelasii, Symmachi, & Hormisdæ, qui non solum a te sancti nunquam dicuntur, sed contra per summam injuriam describuntur quemadmodum destituti spiritu Ecclesiæ, ita libidine dominandi in Cleris, pertinacia, duritie, superbia, supercilio, aliisque criminibus inquinati.

XVII. Verum enimvero clamant contra te omnes Catholici Scriptores, & clamat Ecclesia Universa. Audi Tillemontium, „ Durant que Simplicie travailloit „ pour la paix de l'Eglise, Acace achevoit de la ruiner, en pretendan unir J. C. avec Belial „ (2). Et Natalis Alexander, „ vides, ait, summam Sedis Apostolicæ erga Acacium patientiam & mansuetudinem, „ in quem statim non animadvertit, sed variis per „ triennium commouit literis, ut ab hæreticorum,

D 5

„ com-

(1) Vid. Tillem. in Acac. Artic. 34. 35. 36. 37. & 38.

(2) Tillem. in Acac. artic. 24.



„ communionem recederet; deinde missa legatione ad  
 „ officium revocare studuit. Vides Acacii contuma-  
 „ ciam, qui nec Romanum Pontificem suis responsis  
 „ dignatus est, *nec ad Sedis Apostolica tribunal cano-*  
 „ *nice vocatus* sistere se voluit, aut saltem per Lega-  
 „ tos respondere. Vides Acacium communionis ini-  
 „ tæ cum hæreticis manifestis convictum reum, & vio-  
 „ lata Legationis Apostolicæ. Vides Romanos Ponti-  
 „ fices Acacium damnantes Synodi Chalcedonensis  
 „ constituta, quibus non Eutyches tantum & Diosco-  
 „ rus, sed & eorum sectatores, & sectatorum commu-  
 „ nicatores fautoresque damnati sunt, executioni man-  
 „ dasse *pro jure & officio Primatus*. Æquissimam igitur  
 „ Pontificum Romanorum in Acacium sententiam  
 „ nemo non dixerit (1). Hæc Natalis Alexander, qui  
 totus est in Acacio ab hæresi purgando.

XVIII. Sed tu eo longius progredieris, ut ab omni  
 veluti crimine & reatu Acacium excusare videris;  
 contra vero iniquissime damnas Romanos Pontifices  
 firmiter urgentes, ut ipsius nomen eraderetur e dipty-  
 chis. Summa tamen injuria; nam quum Acacii depo-  
 sitio sit omnibus justissima, quomodo ergo nomen ipsi-  
 us retinendum erat in diptychis, tanquam fuisset in-  
 juste depositus? Et quomodo inter Constantinopolitanos  
 Episcopos habendus erat æque ac in pace & commu-  
 nione obivisset Ecclesiæ? Qui ergo tantam modera-  
 tionem prædicas & conniventiam erga hæresim &  
 hæreticos, ut unius Acacii nominis causa existimes,  
 Romanos suam durius negasse communionem Orienta-  
 libus, audi Sanctum Gelasium Papam de nomine illius,  
 ac de Petro Moggo loquentem. „ Cur ergo per Petri  
 „ & Acacii nomina rursus inimica sepes intexitur,  
 „ quam

---

(1) Natal. Alex. Hist. Eccles. Scul. 5. Diff. 19. Vid. Liberat-  
 in Breviar. cap. 17. & 18.

„ quàm semel Christi crux, mors, & sanguis destruxit, solvit, & evertit? Non ergo dividat eos interpositum Petri & Acacii nomen, quos tanti mediatoris pretiosus sanguis univit, (1). Cur ergo tam vehementer displicet in Romanis Pontificibus, & in Ecclesia Occidentali universa, quod non displicet in Orientalibus? Cur priores damnas, qui causam totius Ecclesiæ, & tot episcoporum atque Patriarcharum, pro fide pugnantium agebant, contra vero extollis spiritum ac virtutem Orientalium, qui vel hæretici erant, vel defensores hæreticorum?

XIX. Dolet quod Romani Pontifices puriorem fidem & disciplinam Ecclesiæ, onere & officio Primatus vindicaverint, & non dolet quod Orientales scindere maluerint Ecclesiam, quam impiorum hominum nomina a diptychis eradere? Non ne manifeste patet Orientalium magis retulisse nomina hæreticorum, quam Romana communio, & unitas Ecclesiæ Universæ? Non ergo Romanorum Pontificum durities mala gravissima in Oriente peperit, quæ firmitas Apostolica sanavit. Mala quidem peperit, non Romanorum sævitia, ut clamitas, sed nonnullorum Episcoporum, atque Imperatorum Orientalium perfidia, quibus defuit omnino Spiritus Ecclesiæ.

XX. Quamobrem Orientalis Ecclesiæ apologiam frustra contra Romanam fingis & Occidentalem; nam alteri cupiens per fas nefasque servire, ut alteram deprimas, revera damnas utramque, & Ecclesiæ Universæ notam inuris infamiæ. De Romana enim asseris, quod durante schismate Acaciano, spiritus Christi non se prodiderit in ipsa, quandoquidem acriter illa contendens, ut e diptychis eraderetur nomen Acacii, plena fuit sævitia, superbia, duritie, & supercilio. Contra

tra

---

(1) Gelas. Pap. Tractat. seu epist. 14. Concil. tom. 4. col. 1216.

tra vero affirmas Orientalem pro Acacio fortiter pugnantem, spiritum habuisse qui defuit Occidentali; quoniam plena extitit fortitudine, conniventia, & moderatione erga hæresim & hæreticos. Verum post annos sex & triginta a schismate incæpto, moderatio ista cessavit, cum prævaluerit Ecclesia Romana, quæ legem imposuit Orientalibus, & pacis condiciones præscripsit. Illis enim probatis, erasoque nomine Acacii aliorumque, pax firmata fuit inter utramque ecclesiam, atque schisma extinctum. Itaque non a solis Romanis & Occidentalibus, sed ab Orientalibus etiam comprobata fuerunt omnia, quæ a summis Pontificibus peracta fuerant contra Acacium (1). Ideoque si vera essent quæ nugaris, spiritus Christi qui primum defuit Romanæ, postea defuisset etiam Orientalibus, & Ecclesiæ Universæ.

XXI. „ Confirmantur hæc omnia (ait Natalis Alexander) ex consensu Constantinopolitanæ, & totius Orientalis Ecclesiæ, quæ sententiæ a Romanis Pontificibus in Acacium latæ tandem subscripsit, & libello quem Legati Hormisdæ Pontificis Romani offerebant, cum pax inter utramque ecclesiam conciliata est. Joanni autem Constantinopolitano, & aliis episcopis qui memorato libello subscribere, persuasum erat Acacium ea omnia admisisse crimina, propter quæ sententiam in eum tulerat Apostolica Sedes... Ex his colligitur Ecclesiam Orientalem agnovisse tandem, sententiam a Romanis Pontificibus latam adversus Acacium æquissimam esse, ipsumque damnasse post mortem, ac nomen illius expunxisse ex diptychis, (2).

XXII. Optima ergo sunt blandimenta, optima est dul-

(1) Vid. Tillem. in Acac. Artic. 38.

(2) Natal. Alex. Diss. citat.

„ ti ragioni de' suoi predecessori , e usar quel rigo-  
 „ re, che non aveano essi usatò, poichè Blaſto Sacerdo-  
 „ te della Chiesa Romana avea fondato il suo scisma  
 „ particolarmente sopra questa osservanza , per modo  
 „ che divenuta essendo dannosa , pareva che non si  
 „ dovesse più comportare (1) „ .

IX. Sed tot Episcoporum Conventus, totque Con-  
 cilia, Romanum, Gallicanum, Achaicum, Ponti-  
 cum, Palæstinum contra Episcopos Minoris Asiæ, Victo-  
 ris ætate celebrata satis ostendunt eorum pertinaciam,  
 cum universam commovisset Ecclesiam, refringendam  
 esse omnino. Maxime vero cum dubitandi ratio sup-  
 peteret, quin ageretur de pura disciplina, sed Asiati-  
 corum errores æque ac in Blaſto & Montani sectato-  
 ribus Judaïsmum redolerent, Fidemque respice-  
 rent (2). Et revera *Pravitate erroris* vocant Episco-  
 pi Palæstini (3). Quare non solus Victor tunc tempo-  
 ris Veritatem contra Asiaticos tuebatur, sed omnes,  
 ut ait Eusebius, *uno consensu Ecclesiasticam regulam*  
*universis fidelibus per epistolas tradiderunt; ne videli-*  
*cet ullo alio, quam Dominico die, mysterium resurre-*  
*ctionis Domini unquam celebretur* (4). Quare Asiatici,  
 damnato pristino errore, etiam ante Concilium Nice-  
 num, sanio-rem sententiam amplexi sunt (5). Victoris  
 autem pastoralis sollicitudo & vigilantia ab universo  
 mundo commendatur, & ab ipsamet Ecclesia Ultraje-  
 ctenſi, quam ipse tot laudibus extollis (6). His igitur  
 cognitis, cur potius non carpis Asiaticos illos, quam  
 Victo-

(1) Eleur. Hist. Eccles. lib. 4. §. 45. edit. Ital. Senen.

(2) Vid. Euseb. Hist. Ec. lib. 5. cap. 23. & seq. edit. Ruf.

(3) Euseb. ibid. c. 25. edit. Christophori.

(4) Euseb. ibid. cap. 23. edit. Vales.

(5) Vid. Vales. in Not. ibid. ad Euseb.

(6) Acta Secund. Synod. an. 1763. Relat. 3. de Sum. Pontif.  
 Primatu n. 6.

Victorem Papam virum sanctitate illustrem, uha cum universa tam Orientis, quam Occidentis Ecclesia, quæ nonnullis exceptis episcopis, æque ac Victor ira æstuabat in pertinaces? Male se res habet, cum quod veritate effici debet, id tentatur mendacio.

X. Quippe qui novus auctor non erubescis in re, tam severa gravissimi historici Eusebii, aliorumque adulterata proferre testimonia. Pagina enim 69. Eusebio tribuis hæc verba uti reperta in sua Ecclesiastica Historia lib. 5. c. 24. contra S. Papam Victorem, „ *Fuit* „ *condemnata hæc agendi ratio ab Episcopis* „ Similia adscribis Hieronymo; duriora vero Socrati atque Nicephoro. Sed apud Eusebium versionibus simul collatis Rufini, Christophorsoni, Joannis Dadræi, & Valesii, non alia verba leguntur quam sequentia „ *Verum hæc non omnibus placebant Episcopis* „ Seu „ *Ceteris Episcopis minus placebant* „. Non aliter legunt Natalis Alexander, & hæreticus homo Joannes Clericus (1). Sed fusius explicat S. Hieronymus, qui (absit injuria verbo) de mendacio te tuosque arguit severius. En quomodo in vita S. Irenæi paucis totam narrat Historiam „ Feruntur ejus (Irenæi) „ & aliæ ad Victorem Episcopum Romanum de quæ- „ sione Paschæ epistolæ, in quibus *commonet eum* „ *non facile debere unitatem Collegii scindere*. Siqui- „ dem Victor multos Asiæ & Orientis Episcopos, qui „ qui a XIV. luna cum Judæis Pascha celebrabant, „ damnandos crediderat. In qua sententia etiam ii, „ qui discrepabant ab illis, *Victori non dederunt ma-* „ *nus* (2).

XI. Nunc vero audiamus quæ Socrati & Nicephoro adjudicas. Etenim asseris historicos illos scripsisse quod

(1) Natal. Alex. Secul. 2. Diss. 5. artic. 5. Edit. Paris. Tom. 3. p. 373. Clericus Hist. Eccles. duor. primor. Secul. sub. an. 196. p. 7.

(2) Hieron. de Script. Eccles. in Vit. S. Iren.

quod Irenæus *acriorem ejus (Victoris) impetum*, *facinus tam calidum graviter perstrinxit*. Protulit verba Socrates, sed non intermedia *Facinus tam calidum*, quæ ibidem novissima excogitasti. Nicephorus vero non item; qui hujus generis similia neque a longe somniavit (1). De Victore satis; breviter dicamus de S. Stephano, quandoquidem veritas multis verbis non eget. In causâ enim rebaptizantium idem Tamburinus, quem *egregium virum* appellas in illa sua Dissertatione superius citata, his verbis Sanctum Stephanum laudaverat. „ Et in causa Rebaptizantium *avitam doctrinam*, *nam S. Stephanus Papa. etiam ante propugnavit*, „ *quam per plenarium Concilium solidaretur* „. Scripserat hæc ad illam exemplis confirmandam propositionem ex Augustino depromptam ep. 55. = *Ecclesia Dei inter paleam, multaque Zizania constituta, multa tolerat, & tamen quæ sunt contra fidem, vel bonam vitam non approbat, nec tacet, nec facit* = Quod idem sonat ac dicere Ecclesiam tolerare sæpius errantes, ut suavitate doctrinæ, Caritateque Christiana revocet ad viam vitæ, sed nunquam tolerare errores, cum nec approbentur, nec taceantur, neque fiant ab ipsa.

XII. Tu vero nunc mutato consilio adhibes idem, exemplum, ut Stephanum Papam virum & *egregium, & sanctum* redarguas uti superbum, in Ecclesiæ negotio peragendo precipitem, Evangelica mansuetudine alienum, pacis Christianæ violatorem, atque contra spiritum Ecclesiæ, & suæ unitatis jura peccantem. Hæc omnia corroborare existimas testimonio ipsius Augustini, quem citas pag. 74. tanquam in libro *de unico Baptismo* cap. 25. dicentis = *Stephanum paulo commotiorem censisse excommunicandos esse Rebaptizantes* =

---

(1) Vid. Niceph. Hist. Eccles. lib. 4. c. 4.

*zantes* = Post Augustinum sententiæ tuæ suffragatores advocas Firmilianum, Cyprianum, & Dionysium Alexandrinum. Cum pace tua dicam. Augustinum inconsiderate citasti, quandoque memoras caput 25. libri *de unico Baptismo*, qui integre constat capitibus decem & octo, quique laudatis verbis omnino caret.

XIII. Habet quidem similia S. Doctor in libro 5. contra Donatistas cap. 25. cum dicit = *Ita quamvis commotius, sed tamen fraterne indignetur* =. Quæ verba consonant omnino cum celeberrima Nazianzeni sententia dicentis = *Habet quoque Spiritus mansuetudinis & Caritatis suam vehementiam, suam iracundiam* = (1). Legas quæso Augustinum, & ab accusando Stephano magis alienum, quam in defendendo Cypriano implicatum ubique reperies. Ait enim S. Doctor citato loco,, Jam illa quæ in Stephanum irritatus (Cyprianus) effudit retractare nolo, quia & non opus est (*Tibi consilium cape Thaddæe mi*). Eadem quippe dicuntur, quæ jam satis discussa sunt, & ea præterire melius est, quæ *periculum perniciosæ dissensionis habuerunt*. Stephanus autem & abstinendos putaverat, qui de suscipiendis hæreticis priscam consuetudinem convellere conarentur. Iste autem quæstionis ipsius difficultate permotus, & *sanctis charitatis visceribus largissime præditus*, in unitate cum eis manendum, qui diversa sentirent. Ita quanvis commotius, sed tamen fraterne indignetur, vicit tamen pax Christi in cordibus eorum, ut in tali disceptatione nullum inter eos malum schismatis oriretur,,. Hæc Augustinus, quæ Stephano satis superque sunt. Sed tu cur Magni doctoris verba retulisti amputata, ne genuino quidem loco citato?

XIV. Cy-

---

(1) Nazian, Orat. 34.

XIV. Cyprianum vero quid profers? Quid cum eodem Augustino *pacatissimam ejus animam* veluti per Antithesim contra Stephanum extollis? Non recordaris quod Bossuetus scripserat de hac re contra Dupinium? „*Che S. Stefano avea diritto da agire da Superioriore, come riconoscevo S. Agostino, e che non poteva esser lo stesso di S. Cipriano?* „ (1). Pacatissimam tamen fateor, sed non semper. Num pacatissima erat quando in æstu disputationis (salva præfati sanctissimo & gloriosissimo debita reverentia) errore abreptus, vocabat S. Stephanum *avitam doctrinam propugnantem, hereticorum amicum, & inimicum Christianorum*? Num pacatissima erat quando, ut verbis utar Facundi „suam sententiam, scribens ad Pompejum, quanta potuit humana argumentatione defenderit, injuriose tractans eundem Beatum Stephanum, *a quo fuerat jure culpatus?* „ (2). Idem dico de Firmiliano, qui Christianæ moderationis & Caritatis fines aliquando excessisse omnino videtur. „Nam pacatissimum dices (ait celeberrimus Ecclesiæ Gallicanæ scriptor) cum ad Primum Ecclesiæ præfulem, qui cum totius Orbis Episcopis Apostolicam traditionem vindicabat, non pudet dicere. „*Tu hereticis omnibus peior es?* „ (3). Contra vero quocumque te animo & cogitatione converteris, haud quidem videbis Stephanum pari mensura eos esse meritum. Quare de universo hoc negotio ipse merito laudatur a Sancto Vincentio Lirinensi, tanquam *vir sanctus & prudens, qui intelligebat nihil aliud rationem pietatis admittere, nisi ut omnia, qua fide a Patribus suscepta forent, eadem fide filiis consignarentur* (4).  
Deni-

(1) Vid. Bossuet Mem. contr. Biblioth. Dupin.

(2) Facund. lib. 10. c. 3.

(3) Const. Epist. Rom. Pontif. Dissert. infer. citand. cap. 7. §. 28.

(4) Vincent. Lirin. Common. cap. 9. & seq.



Denique laudant etiam Ultrajectenses tui loco superius citato.

XV. Post illos profers denique in medium Dionysium Alexandrinum, quasi litteris officiosis, & opera Dionysii tunc Romani presbyteri, sanctum Stephanum a sententia excommunicationis remove tentasset. Aniles fabulas narrare potius videris, quam de re gravi differere. Etenim te docebit Eusebius epistolam Dionysii Alexandrini ad Dionysium Romanum, Novatianum tantum respicere, nefaria ejus dogmata, & schisma ab eo excitatum; nunquam vero de illa tua excommunicatione fuisse loquutum. (1) Illius vero de Baptismo, quæ numerabatur quarta ad eundem Dionysium Romanum epistola, vix notitia superest; quæ tamen illa tua commenta nequaquam præferret. Sunt præterea alia multa de re proposita, quæ Stephanus Romano Pontifici summopere favent. Si ergo desideras, quod mihi non patet, adhibe Petrum Constantinensem Monachum S. Mauri, in dissertatione cui titulus est „*Dissertatio, qua vera Stephani circa receptionem hæreticorum sententia explicatur.* = Cap. 7. ubi „*quæritur = . An Stephanus excommunicatione percussisset Rebaptizantes. An severius cum viris sanctis se gesserit,* (2). Cura ut legas, & non amplius rei torquebit controversia.

XVI. Sed tu qui extollere conaris spiritum tolerantiae exemplo Cypriani & Firmiliani pugnantium contra Stephanum, quia baptismum hæreticorum defendebat, cur prius non perpendisti quo quis eorum duceretur spiritu erga hæreticos, tolerantiae scilicet, an intolerantiae? Num tolerantior tibi est qui hæreticos eo abhorret, ut existimet ab iis valide ne baptizari

(1) Vid. Euseb. Hist. Eccles. lib. 7. cap. 8. Edit. Vales.

(2) Const. Epist. Rom. Pontif. pag. 349. & seq. Vid. etiam pag. 263. & seq.

zari quidem posse, quam qui Evangelica veritate, tuetur hæreticorum, catholicorumque baptismum ejusdem esse virtutis & pretii? Non ergo tolerantior se exhibet Stephanus, quam Cyprianus & Firmilianus? Nonne propter hoc vocabant ipsi sanctum Papam hæreticorum amicum? Igitur si heroice amas eos laudare qui te damnant, noli id facere contra rei veritatem,

XVII. Verum non Stephanum tantum carpis atque Victorem; sed Romanorum Pontificum inimicus perpetuus, gradum faciens ad seculum quartum, quo diris, ut ais pag. 78. tempestatibus Arianorum jactata diu fuit Ecclesia, Damasum Papam, *virum*, ait Theodoretus, *sanctitate vitæ conspicuum, & pro Apostolica doctrina nihil non dicere, atque agere paratum* (1), continuo lacerare contendis. Ut autem ad propositum devenias, incipis ab historia Antiocheni Schismatis, cui dederunt occasionem Meletius & Paulinus, duo viri morum sanctitate conspicui, ambo ad illius Urbis episcopatum evecti, alter ab Arianis, a Catholicis alter. „ Meletii partes (sunt tua verba) tuebantur sanctissimi viri Flavianus, Chrysostomus, Eusebius „ Samosatensis, Gregorius Nazianzenus, alique Orientis Episcopi. Partes vere Paulini susceperant „ Ss. Hieronymus, Athanasius, Epiphanius, Damasus Papa, Ambrosius, ceterique antistites occidentis. Utraque pars sese a communione sejunxerat: „ nam orientales non communicabant cum Paulino, „ neque cum Meletio occidentales; sese accusabant „ ad invicem &c. „ Hucusque tu vel rerum narrator, quas ignoras, vel eorum imitator Græcorum, de quibus Juvenalem scripsisse noscis Sat. 1. = *Et quidquid Gracia mendax audet in Historia.*

XVIII. Pri-

(1) Theodoret. Hist. Ec. lib. 5. c. 2.

XVIII. Primo enim fallis quia confundis Flavianum Antiochenum, cum Flaviano Constantinopolitano Sanctissimo præsule, ad quem S. Leo magnus post octoginta circiter annos, celeberrimam scripsit epistolam contra hæresim Eutichianam. Hinc intempestive & Chrysostomum misces, quem dissonus concedis pag. 91. episcopum fuisse postea renuntiatum, mortuis quippe Meletio & Paulino, & finita jam lite. Præterea fallis in texenda etiam historia, quia nullo modo præterire poteris illud Magistri Militum Saporis judicium, quo Arianorum Ecclesias Meletio adjudicaverat; quoniam ipse secundum legem Gratiani Augusti, quæ revocabat eos, qui fuerant in exilium ejecti, rursusque præcipiebat ædes sacras iis tradi, qui cum Sancto Damaso Papa communicarent, demonstrabat sibi de tali communione jure gloriandum, quandoquidem Damasi doctrinam profitebatur, ejusque Decreto subscripserat (1). Eadem communione merito gloriabatur & Paulinus, sed a Flaviano Antiochenæ Ecclesiæ presbytero, qui partes tuebatur Meletii vehementer pressus, ut Damasi Papæ doctrinam de tribus hypostasis publice profiteretur, involuntaria equivocatione vocum, etiam cum fide recta suæ Fidei suspicionem inussit; ac proinde Meletio ecclesiæ illæ fuerunt adjudicatæ.

XIX. Hinc orta est dissensio quemadmodum Meletium inter & Paulinum, ita etiam inter eorum affectas (2): quæ tamen inter viros sanctos pacifice composita, ac jurejurando firmata, duratura fuisset, nisi Luciferiani turbassent. Quare mortuo Meletio „ qui „ ejusdem partem fuerant sequuti (ait Socrates) Paulino parere abnuerunt; sed Flavianum in locum „ Mele-

(1) Theodoret. *ibid.*

(2) Theodoret. *loc. cit.* cap. 3. Vid. *ibid.* adnotat. Vales. Socrat. Hist. Ec. lib. 5. cap. 3. & 5.

„ Meletii subrogare fecerunt . Iterum ergo populus  
 „ duas in partes discissus est . Ad hunc modum Antio-  
 „ chensis Ecclesia , *non quidem propter fidem , sed epi-*  
 „ *scoporum causa , inter se divisa est* (1) . Flavianus  
 „ ordinatus est contra jurisjurandi fidem , ( sunt ver-  
 „ ba Sozomeni ) quare plurimi se a communione Fla-  
 „ viani sejunxerant , ac seorsum sub Paulino collectas  
 „ celebrabant . Sed & Sacerdotes ipsi hujus rei caus-  
 „ sa inter se dissidebant . Et Ægyptii quidem cum  
 „ Arabicis & Cypriis , Paulini tanquam injuria affe-  
 „ cti , vicem dolebant . Syri vero & Palestini , ac  
 „ Phœnices , & ex Armeniis , Cappadocibus , Galatis  
 „ ac Ponticis plerique Flaviani partes favebant . Ve-  
 „ rum Episcopus Romanus , & reliqui Occidentalium  
 „ partium Sacerdotes non mediocriter indignabantur .  
 „ Et ad Paulinum quidem tanquam Episcopum An-  
 „ tiochiæ , consuetas scribebant epistolas , quas Syno-  
 „ dicas appellant . Ad Flavianum vero nullas litteras  
 „ dabant (2) .

XX. En tibi , mi Thaddæe , schismatis Antiocheni  
 tota compendio historia , non animo adinventâ & ex-  
 cogitatâ , sed ex tabulis excerpta ; unde latissime patet,  
 falso te asserere pag. 80. controversiam hujusmodi eo  
 esse deductam , ut *utraq; pars* ( Episcoporum ) *orien-*  
*talium scilicet & occidentalium sese a communione se-*  
*junxerit*, propter illam tuam ratiunculam quam affers ;  
 quia scilicet *Orientales non communicabant cum Pau-*  
*lino , neque cum Meletio Occidentales* . Mirabile argu-  
 mentum ! Quasi rebus in his axioma valeret de duo-  
 rum in uno tertio convenientia ! Pari falsitate asseris  
 pag. 86. Sanctum Basilium scripsisse ad Damasum Pa-  
 pam ut Occidentales emolliret , eosque ad communio-  
 nem adduceret Orientalium , cum inter ipsos in vincu-

B

lo

(1) Socrat. lib. 5. cit. cap. 9.

(2) Sozom. lib. 7. cap. 11. Vid. & cap. 3.

lo Unitatis & pacis disputaretur tantummodo, cui potiori jure danda esset episcopalis communio, seu quis contententium esset Episcopus habendus Antiochiæ. Et quamquam disputantes viro uni Episcopo Antiocheno non æque communicarent, tamen erant inter sese & catholicæ communionis vinculo, & amicitia conjuncti.

XXI. Quid ergo carpis præstantissimum Theologum Petrum Ballerinum, qui nihil asseruit in hoc, quod non ex fontibus Ecclesiasticæ historiæ deprompserit; nec de necessitate communionis cum Romana Sede aliquid novi, ut *Labentem opinionem* quoad Sedis illius prerogativas *tueretur*, excogitavit contra fidem historiæ, quandoquidem nihil statuit quod antea non asseruerit Natalis Alexander, *opinionis*, quam tu *Labentem* vocas, acerrimus impugnator? „ Sufficit ad conservationem Ecclesiasticæ Unitatis (sic ipse) mediata „ cum Romano Pontifice, aut cum aliis Episcopis „ Orthodoxis communio, ut scilicet cum iis quis „ communicet, qui Romano Pontifici conjuncti sunt, „ & litteras ab eo pacificas accipiunt, & vicissim „ isti cum illo communicent, qui communicatorias „ a Romano, aut a quovis alio Episcopo epistolas „ non accipit. Hæc enim quamvis mediata dumtaxat „ communio, argumento est Romanum Pontificem ab illorum communione divulsum penitus „ non esse, ad quos propter quasdam æconomiae rationes „ communicatorias non scribere decrevit epistolas. Nam si illos ut schismaticos haberet, & „ illos qui ipsis communione conjuncti sunt, ut schismaticorum fautores execraretur. De illis par ratio „ est, qui cum Romano Episcopo immediate „ communionem non foveant, sed cum episcopis catholicis ipsi conjunctis. Illi enimvero Romani „ Pontificis communionem non averfantur, alioquin „ & illo-

„ & illorum communionem averfarentur, qui Roma-  
 „ no Pontifici adunati funt. Non funt igitur a com-  
 „ muni Radice & Matrice Ecclefie Catholice avulfi;  
 „ proindeque fchismatici cenferi non debent. Porro  
 „ Meletius mediatam cum Romano Pontifice, omni-  
 „ busque Occidentis ecclefiis, & cum viris Sanctiffi-  
 „ mis Athanafio, Epiphanio, & Hieronymo commu-  
 „ nionem fovit, quia Bafilio, Gregorio Nyfæno, Gre-  
 „ gorio Nazianzeno, aliisque Orientis Episcopis &  
 „ Ecclefiis conjunctus erat, quibus cum Romano Epi-  
 „ fcopo, ceterisque Catholicis Antiftibus communio  
 „ intercedebat. Nec Romana Ecclefia aliæque Occi-  
 „ dentis Meletio communionem absolute denegabant,  
 „ fed folum *communione Episcopalem*; quia ejus  
 „ electionem legitimam non efle arbitrabantur, ut  
 „ qui ab Ecclefie hoftibus electus eflet: at ex ignoran-  
 „ tia veritatis Epifcopatu abdicabant virum Dei ad-  
 „ mirabilem „ (1) Sed quod plurimum interefle arbi-  
 „ tror, id totum habetur ex Orientalium epiftola, & ex  
 „ eodem Bafilio, cujus mirabilis fæctitas & fapientia  
 „ poſcit a me, ut officioſo ſilentio cum Fleuryo præte-  
 „ ream quæ contra Damafum Papam, cujus fæctitatem  
 „ & doctrinam ignorabat, veluti deſidiæ & negligentie  
 „ reum protulit. Nam fæctus Doctor pacis amore hæ-  
 „ ſtuans, totius extinguentis diſcordie apprime cupi-  
 „ dus, & quod verius eſt, occidentalium, & præſertim  
 „ Romani Pontificis auctoritate, afflicte Orientis Ec-  
 „ cleſie, maxime vero Cappadoci, Epifcoporum diſpu-  
 „ tationibus & dira Valentis Imperatoris Ariani per-  
 „ ſecutione vexate, medendi impatiens, mirum non eſt ſi  
 „ aliquando ſcripſerit iratius. Et revera poſt longam  
 „ enumerationem malorum, quæ tunc patiebatur univer-  
 „ ſus Oriens, Baſilius, alique permulti Orientales Epi-  
 „ ſcopi ſic concludunt „ . Nobis autem præter apertum

B 2

„ hære-

---

(1) Natal. Alex. Secul. 4. diſſert. 34.

„ hæreticorum bellum , adhuc etiam ab illis , qui vi-  
 „ dentur orthodoxi esse , dissidentibus videmus eccle-  
 „ sias ad extremam imbecillitatem esse deductas :  
 „ propter quæ potissimum a vobis auxillium desidera-  
 „ mus , ut qui Apostolicam Fidem profitentur , schis-  
 „ matis quæ excogitaverint dissolutis , deinceps au-  
 „ thoritati ecclesiæ subijciantur , ut sanum Christi cor-  
 „ pus fiant , omnibus membris ad integritatem reda-  
 „ ctis &c. Epist. 69. inter epistol. Basil. ad Gall. & Ital.  
 episc. Basilius vero nomine proprio hæc scribit epi-  
 scopis Galliæ & Italiæ . „ Persequutio nos apprehen-  
 „ dit , fratres colendissimi , persecutionum omnium  
 „ gravissima . Abiguntur enim pastores , ut greges  
 „ dispergantur . Et quod omnium est durissimum ,  
 „ neque qui affliguntur , cum martyrii spe atque con-  
 „ fidentia illatas passiones tolerant : neque plebs mar-  
 „ tyrum loco athletas habet , ac veneratur : propte-  
 „ rea quod Christianorum nomine tecti sunt perse-  
 „ quutores . Unum jam crimen est quod vehementer  
 „ punitur : si paternas quis traditiones diligenter ob-  
 „ servet . Ob hanc causam paternis sedibus abiguntur  
 „ pii , & ad solitudines migrare coguntur . Nulla est  
 „ apud Iudices iniquos cani capitis reverentia... Episco-  
 „ pi sola intercedente calumnia damnantur : & nulla  
 „ evidenti probatione assertis ac corroboratis crimina-  
 „ tionibus , suppliciis traduntur &c. „ (1) Et (2) ad Oc-  
 cidentales scribit S. Doctor . „ Patrum dogmata con-  
 „ temnuntur , Apostolicæ traditiones nullo nume-  
 „ ro habentur , recentiorum hominum inventa in  
 „ Ecclesiis dominantur . . . Pastores abiguntur , lupi  
 „ graves introducuntur , qui Christi gregem discer-  
 „ punt . . . Quare si aliqua dilectionis consolatio , si  
 „ quæ-

(1) Basilius ad Episc. Gall. & Ital. ep. 70. Edit. Paris. 1638. Tom. 3.

(2) Epist. 61.

„ quædam spiritus communio, si qua viscerum misera-  
 „ tio, commoveamini ad nostrum auxilium &c., Epist.  
 vero 52. ad S. Athanas. eadem profert & addit. „ Vi-  
 „ sum est mihi scribendum esse episcopo Romæ, ut  
 „ iis quæ hic geruntur consideratis, *sententiam dicat*:  
 „ & siquidem aliquos illinc communi & Synodico de-  
 „ creto mitti difficile est, *ipse Potestate sua in hac*  
 „ *caussa utens*, viros eligat, qui & itineris molestias  
 „ ferre valeant, & idonei sint ad eos, qui apud nos  
 „ distorti sunt, mansuetudine & facilitate ingenii cor-  
 „ rigendos &c., (1).

XXII. Verumtamen ira sanctorum numquam non  
 est Charitate conspersa. Quare S. Doctor crebriores li-  
 teras scripsit, non ut Occidentales in communionem  
 adduceret cum Orientalibus, quemadmodum delirare  
 videris, sed Romani Pontificis & Occidentalium o-  
 pem sæpenumero implorabat, ut tanta auctoritate &  
 legatione pacem Orientalium componeret, debiles re-  
 crearet, nec non Arianam persecutionem aliquo modo  
 compesceret (2). Dissensiones & schisma Ecclesiæ An-  
 tiochenæ, quod maximam vel unicam Basilii curam  
 apud Occidentales describis, ultimum fere locum te-  
 nebat post ceteras graviores sollicitudines ejusdem. Et  
 revera sanctissimus ille præsul rescripsit Evagrio pres-  
 bytero Antiocheno, ut suam excusaret repugnantiam  
 sese interponendi in illam pacificationem, propterea  
 quod *impossibile existimabat suspensiones obortas, &*  
*contradictionum offensiones penitus amoliri...* Nec  
*sic quidem nobis suaseris (ait) ut soli consurgamus ad*  
*emendationem, cum per Dei gratiam Episcopus existat*  
*(Romanus) ad quem ante alios Ecclesiarum cura, &*  
*solicitude pertineat...* Neque curiosus in re aliena spe-

B 3

cula-

(1) Vid. & epist. 220. quæ apud Coust. est 2. int. epistolæ Da-  
 masi: & alia sexcenta, quæ brevitatis causa prætereo.

(2) Vid. & Tillem. in S. Basil. Articli. 90. ad 99.



*culator, delicta notavi, quibus quisque vel revera subjacet, vel dicitur vulgo subiacere . . . Ad Occidentales mittere mihi prorsus videtur impossibile quid, quippe qui nullo sum instructus, ad hoc ministerium comparato (1).*

XXIII. Id tamen si placet, quod Tillemontius sola assequi conjectura affirmat, fateor quidem displicuisse Basilio, Meletium, cujus recta fides pietasque satis explorate cognita, atque perspecta erat Orientalibus, apud Damasum vero & universos occidentales, veluti hæreticum & schismaticum vulgo esse traductum. Cognoscebat Basilius sanctitatem etiam Paulini, quem minus ægre ferebat magni esse apud Romanum Pontificem, ceterosque Occidentis Episcopos, sed tantum querebatur ipsos Paulinum ita honoribus & laudibus extollere, ut Meletium injuriose deprimerent, non sine dedecore & infamia maxime partis Episcoporum Orientalium, qui eum habebant Episcopum Antiochenum, & pro sua fide & pietate plurimi faciebant. Nihilominus S. Doctor scribens ad Terentianum Comitem fusiùs excusat æque Damasum Papam, ac reliquos Occidentis Episcopos, dicendo = *Illi enim penitus ignorant nostrarum rerum conditionem* = (2). Hæc tota videtur de Meletio in S. Damasum querela Basilii, ut suis colligitur epistolis quæ supersunt (3). Legè Basilii testimonia selecta ex ejusdem epistolis superius relata ipsas. Si vero plura desideras, consule epistolas ipsas, consule Scriptores Gallos Tillemontium, Fleuryum, & Natalem Alexandrum. Siquidem omnino evanescit, quam tot falsitatibus ambagibusque contextis, hujusmodi rei historia, infini-

---

(1) Basil. epist. 342. ad Evagr. Presbyt.

(2) Basil. epist. 349.

(3) Vid. Tillem. in S. Basil. artic. 120, & confer cum Artic. 113. & 114.

infinite onusta conviciis, dictis atque portentis.

XXIV. Simili modo pereunt quæ exaggeras de Romanorum supercilio & sævitia. Sed utinam simul perirent argumenta imperitiæ, vel negligentia, quæ legentibus suppeditantur a tuo libro de *Tolerantia*. Ais enim pag. 80. = *Plures scripsit* (Basilius) *epistolas ad Patriarcham Alexandrinum, ad Romanum Episcopum, maxime vero ad Athanasium, cujus prudentia &c.*, Quid? An Patriarcharum appellatio in usu erat tempore Athanasii? Sed fuerit. Nunquid Patriarcha Alexandrinus & Athanasius duo sunt viri, non unus? Eandem subit fortunam apud te Paulinus Episcopus Antiochenus, quem geminas; alterum scilicet, cujus partes susceperat Athanasius, uti narras pag. 79., alterum, qui post Athanasii mortem a Lucifero Calaritano fuit Antiochiæ Episcopus consecratus, prout fufius pag. 82. & 83. scribis.

XXV. Pagina vero 84. & 85. congeris ad probandum, nescio quid, plura testimonia ex epistola Alexandrinæ Synodi ad Antiochenos, duce magno Athanasio celebratæ. Sed quid extollis moderationis canones ibidem præscriptos, quasi Athanasius Antiochenos hortaretur ad pacem cum Meletianis, Romanis invitjs, cunctisque occidentalibus episcopis? An ignoras ejusmodi epistolam fuisse subscriptam a nonnullis Occidentis Episcopis, Eusebio scilicet Vercellensi, & Lucifero Calaritano Sedis Apostolicæ Legatis ad Orientales, aliisque? Cur vero testimonia illa mutilata recenses? Quid illius epistolæ verba verbis commisces, eorumque ordinem turbas, ut illud primum componas testimonium quod refers, ad fucum faciendum hominibus imperitis, puerisque? Loqueris enim „ Hanc regulam pacis sequestris dederat Synodus Alexandrina. Omnes, ait illa, qui vobiscum pacifice agere volunt, recipite, nihilque amplius ab illis exigatis, quam

„ ut exsecrentur Arianorum hæresim , & confiteantur  
 „ Sanctorum Patrum in Nicaena synodo fidem . . Quod  
 „ si ita fiat , omnis apud omnes suspicio mala delebi-  
 „ tur, & sola catholicæ Ecclesiæ fides pura apparebit „.  
 Sic tu ore Synodi illius . Sed prætermittis in eo testi-  
 monio incommodum tibi monitum intermedium; quo-  
 niam præcipitur Paulinianis Antiochenis , quibus da-  
 tur epistola, ut ad se *elicerent qui a veteri Ecclesia, vel  
 ab Arianis redirent* , sed interim ut uni Paulino inhæ-  
 rerent = *Cooptantes vos interim dilecto nostro Pauli-  
 no, ejusque sociis; nihilque amplius ab illis exigatis,  
 quam ut exsecrentur Arianorum hæresim: confiteantur-  
 que &c.* Ac deinceps universis ibidem articulis fidei  
 annotatis , quibus opus esset a Meletianis partibus re-  
 deuntibus subscribere , eosque profiteri , præcipit Syno-  
 dus , *arcendos esse & aversandos , qui talem confessio-  
 nem non ederent* . Postremo vero concludit = *Ceterum,  
 cum istos tolerandos non censebitis, consulētis illis, qui  
 recte interpretantur & recte sentiunt, ne ulterior inter  
 vos ulla adhibeatur disquisitio* = . Verum his omnibus  
 missis , peto a te quid conferat Meletianum Schisma  
 ad propositam quæstionem de Tolerantia? Agitur enim  
 hic de substinendis hæreticis vel non tolerandis . At  
 qui a Meletio stabant , hi certe immunes erant ab hæ-  
 resi; vel si quos non immunes dicas , istos uti vides ,  
 haudquaquam tolerandos Synodus Alexandrina præ-  
 cipiebat . Redde igitur , mi Thaddæe , verba verbis ,  
 ordinemque restaura , & videbis Synodum Alexandri-  
 nam quemadmodum mutilatam nihil tibi prodesse , ita  
 integre relatum probare quidem multa , sed contra te-  
 metipsum .

XXVI. Unicum tamen video effugium remanere ;  
 ut scilicet asseras aliquanto apertius perfectum Tole-  
 rantismum cunctarum religionum & dogmatum, Sco-  
 pum esse , quo mentem & calamus dirigis . Sed alibi  
 oppor-

opportuniꝯ inquiram . Nunc autem melius est tecum  
 pergere ad terminum ſeculi quarti , quem implet iniqua  
 narrando hiftoriam deſoſitionis S. Joannis Chryſoſtomi . Et revera exemplo tanti viri omnia bene probantur . Sed cum tibi propoſitum ſit docere , Eccleſiam ſæpe tolerare non homines tantum errantes , ſed in gratiam eorum etiam errores , proſers in medium exemplum Chryſoſtomi , qui ( ut ais pag. 99. ) interrogatus „ a Palladio Epiſcopo , quid ſibi agendum eſſet in ea „ temporum calamitate ? An ſcilicet communicare ſibi fas eſſet cum epiſcopis , qui iniuſte Chryſoſtomum depoſuerant , reſpondit nihil magis cavendum , quam diſiſionis periculum . Quare inquebat : *communi- cate quidem* , ne ſcindatis Eccleſiam . *Verum nolite ſubſcribere &c.* „ Idem ſenſiſſe ſcribis ſanctum Innocentium Papam , ad quem Chryſoſtomus confugerat . Nam , ſi tibi fides habeatur „ Innocentius damnavit „ quidem tamquam inuſtam Depoſitionem Chryſoſtomi ; at non ſe voluit ab ullius communionem ſe- jungere , donec Synodus cogeretur , qua lis concordie Eccleſiæ auctoritate finiri poſſet „ . Poſt hæc ita Chryſoſtomo reſcribentem inducis = Sed quid adverſus iſta in præſenti faciemus ? Neceſſaria eſt cognitio Synodi , hæc enim ſola eſt , quæ huiusmodi tempeſtati motus ſedare poſſit , omnia , quæ nunc ad fidelium probationem conturbata ſunt , pacabuntur &c. „ Nolle te , præſtantiffime adoleſcens , deceptum decipere . Nam video te iterum iterumque mentiri in iſtiusmodi hiftoria , quam uti qui lucem odit , narras de more tuo , ſine ulla citatione locorum .

XXVII. Ego quidem exordiar a Palladio , quem una cum Chryſoſtomo pro te ſtare temere gloriaris . Legiſti ne unquam illius Dialogum de Vita Chryſoſtomi ? Forſitan ignoras Dialogum extitiſſe . Scias ergo ante alia opus eſt , Palladium ſummis laudibus ibidem extolle-

tollere Monachum Stephanum & alios, qui tormentorum vi divinitus superata, vitam potius dederunt, quam communicare cum impiis, qui deposuere Chrysostomum (1). Præterea ipse Palladius gloriatur se ab eorum communione discessisse, quibus Chrysostomus in dialogo eodem dicit *Communicate*. Et nihilominus laudatur a Diacono Theodoro his verbis = *Det tibi Dominus misericordiam in illa die invenire, quia ab hujusmodi communione discessisti* = (2). Quare Palladius idem concludit, quod Episcopi deponentes Chrysostomum ambitione sua *Schisma fecerunt* (3). Insuper Cassiodorus narrat eos, qui nolebant communicare cum Ursacio intruso in Sedem Chrysostomi, *Martyrio suscepto coronari* (4). Denique cum Ursacius idem paucis post mensibus moreretur, & qui Chrysostomum oppresserant Atticum substituerent, *excitata est*, ait Metaphrastes *magna persecutio adversus Ecclesias, & Imperatoria edicta & decreta, suggestionem Attici, nullus enim pius ei volebat communicare* (5).

XXVIII. Qua ergo fronte ausus es, illa verba *Communicate quidem* ita Chrysostomo adscribere, ac si Palladio fuerint dicta ut eum hortaretur ad communionem cum impiis? Quasi Evangelicum ignoraret præceptum = *Pacem cum impiis nolite habere* =. Falso enim asseris Palladium interrogasse unquam Chrysostomum eo descripto tenore. Siquidem interrogatio illa vel nullibi legitur, vel ea tantummodo est, quæ peracta fuit ab Eulysio Apamiæ Episcopo, quamque refert idem Palladius in Dialogo sæpe laudato. Cum enim quadraginta Episcopi, qui ex variis provinciis erant

---

(1) Pallad. de Vita Chrysost. Dialog. ant. fin.

(2) Ibid. paul. infer.

(3) Ibid. prop. fin.

(4) Cassiod. in Vita Chrysost prop. fin.

(5) Metaphrast. in Vit. Chrys. ant. fin.

erant apud Chrysostomum congregati, flerent super-  
 populi desolationem & viduitatem Ecclesiarum, suaf-  
 que vellent dimittere Ecclesias ut imminetia effuge-  
 rent mala, respondit vir ille Dei „ Verum, ut dixi, ve-  
 „ stras ecclesias non dimittatis. Neque enim a me do-  
 „ctrina Christi cæpit initium, neque item in me de-  
 „ situra est „. Atque exemplo Moyſis, Davidis, Sa-  
 muelis, Pauli, aliorumque multorum episcopos con-  
 fortabat „ Quibus dictis Eulysius Apamiæ Bithyniæ  
 „ Episcopus ait: Necessario si Ecclesias tenuerimus,  
 „ communicare cogemur, atque subscribere. Ad hæc  
 „ sanctus Joannes, communicate quidem ait, ne scin-  
 „ datis Ecclesiam, verum nolite subscribere =. Nihil  
 „ enim mihi conscius sum &c. „ Ex his omnibus patet  
 Chrysostomum maluisse episcopos communicare cum  
 Ægyptiis, qui semetipsum injuriose deposuerant, quam  
 suas Ecclesias dimittere, desolatos greges relinquere,  
 & sua quasi desertione majus excitare incendium, &  
 schisma in Ecclesia. Inter duo mala, ut minus elige-  
 rent consilium dedit Chrysostomus, nam si ecclesias  
 dimitterent, rei evaderent criminis desertionis & Schis-  
 matis durioris inde nascituri. Qui duo errores haud  
 excusandi erant iniqua Chrysostomi depositione, quæ  
 timebatur, & accidit.

XXIX. Fallis ergo quia tribuis Palladio quæ non  
 sunt Palladii, Chrysostomo quæ non sunt Chrysosto-  
 mi, & eo torques sententias, ut alienum sensum præfe-  
 rant. Idem dicendum est de iis, quæ fide mala, ut  
 videtur, aut demis, aut adjudicas Innocentio Roma-  
 no Pontifici. Primus enim error, in quo versaris est  
 dicere, a Sancto Innocentio verba, quæ refers dicta  
 fuisse Chrysostomo; cum epistola, in qua verba ejus-  
 modi continentur data sit non ad ipsum, sed ad uni-  
 versum Clerum & populum Constantinopolitanum.  
 Verum parum id mea refert, quod te solius arguit ne-  
 gligen-

gligentia. Non item quod bonæ fidei. Perpende quæ-  
 so Innocentii testimonium integre relatum. „ Sati-  
 „ enim fuerit (inquit) ea quæ non recte facta sunt  
 „ condemnari, quam ea quæ contra canones acta sunt  
 „ ullam firmitatem obtinere, fratres carissimi. Sed  
 „ quid adversus ista in præsentī faciamus? Necessaria  
 „ est cognitio Synodi, quam & *jam pridem congregan-*  
 „ *dam esse duximus*. Ea enim sola est, quæ hujusmo-  
 „ di tempestatum motus sedare possit. Quam ut con-  
 „ sequamur, utile fuerit horum malorum medicinam a  
 „ voluntate Dei Magni, & Christi ipsius Domini nostri  
 „ expectare. Omnia quæ nunc per invidiam diaboli  
 „ ad fidelium probationem conturbata sunt, pacabun-  
 „ tur. Nihil non debemus per firmitatem fidei a Do-  
 „ mino sperare. Nam & nos *diu multumque cogita-*  
 „ *mus, quonam modo æcumenica Synodus congreganda*  
 „ *sit*, ut turbulenti motus Dei nutu tandem conquie-  
 „ scant. (1) Porro Innocentius (ait Sozomenus) Roma-  
 „ næ Urbis Episcopus, cum sicut antea scripserat, im-  
 „ pense studeret ut Joannes restitueretur; una cum  
 „ Episcopis qui ex Oriente Legati ad eum venerant,  
 „ misit Episcopos quinque, & duos Ecclesiæ Roma-  
 „ næ præbyteros ad Honorium, & Arcadium Au-  
 „ gustos, *qui Synodum ejusque celebrandæ tempus ac*  
 „ *locum postularent* (2) „. Confer autem hæc duo te-  
 „ stimonia cum illo tuo; etenim quemadmodum magni  
 „ momenti adulterationem fateberis, ita opus erit con-  
 „ cedere, non de alia Synodo Innocentium Papam ibi-  
 „ dem esse loquutum, nisi de illa, quam ipsemet indixe-  
 „ rat congregandam? Ideo scribit non *Quid faciemus?*  
 „ ut asseris tu, quasi sine auctoritate Synodi quid fa-  
 „ cien-

(1) Innocent. Pap. epist. ad Presbyt. Diac. & Univers. Cler.  
 & Popul. Eccles. Constantinop. cap. 3. & 4. Apud Coult. epist. 7.  
 int. Innocent. Vide ibid. adnot. d.

(2) Sozom. Hist. Ec. lib. 8, cap. 28.

ciendum nesciret; sed *Quid faciamus?* Ut ostenderet animum adjunxisse ad malorum remedium convocatio-  
ne Concilii. Sed tu qui tantam auctoritatem & juris-  
dictionem Romanorum Pontificum forsitan fastidis &  
odio habes, testimonium vel ab aliquo heretico vitia-  
tum mutuatus es, vel tu ipse adulterabas, ne tibi to-  
tum argumentum destrueret.

XXX. Haftenus perpendere curavi, optime adole-  
scens, Patrum testimonia, & Majorum exempla, quę  
per quatuor priora Ecclesię sæcula, ex historia te de-  
prompsisse arbitraris ad tuum de Tolerantia Systema  
constituendum. Nunc vero ad seculum quintum pro-  
grediendum esset, nisi modo prohiberet angustia tem-  
poris. Verumtamen tritum reminiscere proverbium  
= *Quod differtur, non aufertur* =. Interim cum  
S. Hieronymo vehementer obsecro, ne Christus dene-  
get tibi, *ut audias, ut intelligas, & sic loquaris* (1).  
Cura ut valeas.

## EPISTOLA SECUNDA.

*Sequitur Idem Argumentum.*

I. **Q**UUM per litteras iterum tecum colloqui debe-  
rem, Thaddęe mi amantissime, statim illud  
in mentem venit, quod, Evangelio duce, scripsit San-  
ctus Hieronymus ad Paulinum = *Bonus homo de bono  
cordis thesauro profert ea, quę bona sunt; & ex fru-  
ctibus arbor cognoscitur* = (2). Quambrem cogitanti  
mihi sepe numero, & animo revolvendi eas, quas tu,  
qui bonus es vir, cumulas calumnias in historia seculi  
quinti texenda, ubi tot apparent falsę criminationes,  
quot

(1) Hieron. epist. ad Julian. int. famil. lib. 2. epist. 21.

(2) Hieron. ad Paulin. de Inſtit. Monach. int. famil. lib. 2.  
epist. 14.



quot sunt verba, vix videor posse mihi persuadere, te rerum ejusmodi auctorem esse. Nam sive historiam inspicias, sive Patrum testimonia, sive moderationis quę vocas exempla, sive etiam doctrinam, veritati bellum indicere undique videris. Et revera si historice loqueris, mutas ad libitum sepe sepius quadrata rotundis; si ex Patribus, mutilas testimonia; si ex disputatione, erroneas falsasque doces doctrinas; si denique ex moderatione, studes defensionem hereticorum perpetuo suscipere, heresim a cunctis hereticis remove, & Catholicę veritatis patronos, severiorisque disciplinę sacrorumque canonum vindices damnare uti Christianę Charitatis inimicos, ab indole & spiritu religionis alienos, reos duritię, superbię, supercilii, & pertinacię. Hęc & alia similia congeris in Occidentales Universos, & in tres præsertim Romanos Pontifices, Gelasium, Symmachum, & Hormisdam, qui Apostolico Zelo, doctrina, & sanctitate eo emnuerunt, ut sit Ecclesia Univerſa hætenus fassa, ipsos divipitus oppositos fuisse heresi Euthychianę, ut comprimerent ejus nefarios conatus, ne totum Orbem invaderet. Sed cave, ne forsitan quadrare videantur in te, quę sanctus idem Gelasius contra Senecam Pelagianum scripsit ad Episcopos Piceni pro Hieronymo & Augustino = *Adbuc majus scelus accrescit, ut... Ecclesiasticorum lumina Magistrorum, musca moritura... exterminans oleum suavitatis, lacerare contenderet* (1).

II. Contra vero laudare non desinis Imperatores maxime Orientales; qui sive mali sint, sive boni non curas. Omnes enim optimi tibi sunt, dummodo Univerſæ Occidentis Ecclesię, Romanoque Pontifici aliquo modo adversentur. Tibi eorum nemo extitit unquam, qui non se gesserit secundum spiritum Christi & Ec-

---

(1) Gelas. Pap. I. epil. 7. ad Episc. Picen. Concil. Tom. 4.

& Ecclesię. Cum Theodosio Secundo, & Justino Seniore piissimis Imperatoribus copulas (pag. 112. & seq.) Justinianum, Zenonem, & Anastasium, quorum uterque cum heresum portenta, & hereticorum monstra in gemitu Ecclesię diu patrocinaurentur, in heresi tandem objerunt. Tu laudem extinctionis schismatis Nestorii & Joannis Antiocheni, qui Nestorii partes assumpserat, ut integre tribuas Theodosio Imperatori, adimis omnino Romanis Pontificibus Cęlestino & Xysto, quasi mere passive in ejusmodi negotio se habuerint; neque fingis tribuere Maximiano Constantinopoleos Episcopo, nisi quatenus Imperatorium instrumentum describis. Cyrillo vero Alexandrino non aliam partem concedis, nisi moderationem qua se prestitit curis Imperialibus. Ais enim pag. 106., „ Ut huic (di-  
 „ visionis periculo) obviam iret Theodosius Junior,  
 „ consilium suscepit Christiano Principe vere di-  
 „ gnum. Adscivit viros prudentia, moderatione ani-  
 „ mi, ac pacis amore prestantes, iisque demandavit, ut  
 „ modum inquirerent, quo lis finire posset, ac ita pax  
 „ Ecclesię restitui. Inter selectos viros eminuit Ma-  
 „ ximianus &c. „ Sed quis audiat sine indignatione  
 tanta mendacia?

III. Lege Cęlestini ad Cyrillum, ad Maximianum, ad Theodosium, & ad Constantinopolitanos epistolas, & videbis quot & quanta egerit Sanctissimus ille Pontifex ad pacem Ecclesię restaurandam. Perpende curas, sollicitudines, vigiliasque nocturnas, & quemadmodum equum retributorem glorię Imperatoris, ita strenuum Operarium reperies, & dignum qui clavum Ecclesię Universę teneret (\*). At Cęlestinus senio consumptus

---

(\*) „ Indifficulter est Ecclesiarum, & Catholicę Fidei spe-  
 „ randa tranquillitas, quando pro hac elaborare Christianissi-  
 „ mos principes sic videmus. Non est inefficax, in Divinis  
 „ maxi-

sumptus, vix incepto opere interiit. Verumtamen successit ei Xystus hujus nominis Tertius, heres auctoritatis & Zeli, qui statim ac renunciatus fuerit Pontifex, ad Pacis negotium animum adhibuit mentemque. *Ily contribua autant qu'il put de sa part*, ait Tillemontius, & *en ouvrit le chemin par la premiere action qu'il fit après son sacra* (1).

IV. Equidem sine mora scripsit ad Sanctum Cyrillum, non tantum ut a suo Decessore Celestino pacis conditiones præscriptas confirmaret, sed etiam ut ejus animum magis magisque incenderet ad pacem. Audicum Cyrillo loquentem, De Joanne autem Antiochicæ hæc definimus debere servari, quæ in litteris, ante missis præscripta sunt (a Celestino), ut novetur futurum se unum Catholicorum, si cuncta per Synodum eversa subvertens, ostenderit seipsum Catholicum, licum

„ maxime causis, cura Regalis, quæ pertinet ad Deum, quæ fideliter tenet corda regnantium. . . Tux sit hoc Sanctitatis, cum venerando fratrum consilio, ut orti in Ecclesia strepitus, comprimantur. . . Studeo quieti Catholicæ, studeo pereuntis salutis, Cælest. Pap. ad Cyrill. epist. 16. cap. 1. 2. & 3. apud Constant.

„ In modum dierum duximus noctes; quia talibus causis, omne tempus angustum est: non oculos fomno declinavimus, inquietes, Cælest. Pap. ad Cler. & Pleb. Constantinop. epist. 25. c. 4. Vid. & epist. 22. ad Synod. Ephes. post damnat. Nestor. cap. 7. & seq.

„ Congrega sparsos, piunque animum, qualem te habere, novimus, in eos quos dissipaverat perturbator exerce. Congrega populos tuos ad matris suæ ubera: revoca quos inhibito veneni sapore abstraxerat inimicus. . . ut plus in reparando potuisse te liqueat, quam ille potuit in lædendo, qui imitator Diaboli maluit esse quam Christi, perturbans omnium Ecclesiarum quietem: cui nunc debemus operam in commune præstare, ut omnium una fides, & unus sit animus Sacerdotum. Cælest. Pap. epist. 24. ad Maxim. cap. 2.

(1) Tillem. in S. Cyrill. Artic. 98.

„ *licum Sacerdotem* . Retine fortiter igitur, cum quę  
 „ a Synodo, tum quę a nobis definita sunt (1) . Et alibi  
 „ = De Antiocheno autem, & reliquis, qui cum eo  
 „ sectatores Nestorii fieri voluerunt, & de cunctis qui  
 „ præter Ecclesiasticam disciplinam ecclesias institu-  
 „ unt, jam antea hoc definivimus custodiendum, ut si  
 „ resipuerint, & cum suo Duce rejecerint omnia  
 „ quęcumque sancta Synodus, *nobis confirmansibus*  
 „ rejecit redeant in Sacerdotum confessum . Sicut enim  
 „ persistentes prioribus non potuerunt in nostra esse  
 „ communione ; sic volumus eos propter unitatem ac  
 „ pacem Ecclesiarum, *satisfacientes, ut diximus*, sus-  
 „ cipere . Ipsi vero in se ipsos invenientur equam sen-  
 „ tentiam protulisse, si extra manentes, cum eo ( Ne-  
 „ storio ) qui dejectus & expulsus est, tantę impieta-  
 „ tatis sese ostenderint socios atque participes (2) .

V. Sed tu, qui tollere a Mundo conaris non hereses &  
 peccata, sed hæreticos, & Schismaticos, scribis pag. 104.  
 quod *Catholici adversus Catholicos veluti hæretici ad-*  
*versus hæreticos disceptabant . Ut res componeretur, co-*  
*acta est Ephesi Synodus episcoporum &c.* Dic mihi qua-  
 so, Catholicus ne erat Nestorius, & qui eundem per-  
 tinaci animo sectabantur? Et post ipsum a Synodo Ephe-  
 sina damnatum, & errores proscriptos, quid garris pag.  
 105. quod per adventum Joannis Antiocheni cum suis,  
 & per aliam ab eo Synodum coactam, qua Cyrillus &  
 Memnon Ephesinus Episcopus perperam depositi fue-  
 rant, *magis creverit confusio, ac divisionis periculum?*  
 Synodum ne vocas cum Dupinio, & non potius cum  
 Bossueto & Valesio Conciliabulum, quo Joannes An-  
 tiochenus rerum attulit confusionem? (1) . De divisio-

C

ne

(1) Xyst. Pap. ad Cyrill. epist. 1. cap. 5.

(2) Xyst. Pap. ad Cyrill. ep. 2. cap. 3.

(3) Vid. Bossuet, *Memor. super Biblioth. Dupin*, cap. 1. Ob-  
 serv.

ne vero quid dubitas, quum tu ipse concedas ibidem divisionem jam esse sequutam, propterea quod separaverat sese Joannes cum suis a communione Concilii & Ecclesiæ?

VI. Forsitan ambigis an vera extiterit ea Divisio, quæ data opera inter partes contendentes non ideo nata conspiciebatur, ut mutuo consensu videretur comparata? Ridiculum Systema! Seu potius contendis nullius roboris illud schisma fuisse, quia ut rerum probavit eventus, Joannes Antiochenus non errabat errore doctrinæ, sed tantum errore facti, quia existimabat a Concilio probatam fuisse hæresim Apollinaris? Vel quia uti Œcumenicum hætenus habere non teneretur? Sed quis Novator suis mendaciis velamina similia non quærit; falsasque causas rebellionis non fingit? Datur ne rebus in his ignorantia invincibilis peccatum excusans, quam tu, qui morum doctrinam severiorem affectas, admittere sæpe sæpius videris? Num vero Generalia Concilia suam inconcussam firmitatem repetunt ab unione & reditu rebellium ad pacem Ecclesiæ? An potius necesse erit utramque partem contendentium, post longas disputationes humanitus cognoscere rei veritatem, ut valida separatio existimetur, sive sit spontanea, sive sit ab Ecclesiâ pro sua potestate Divinitus inusta peccantibus?

VII. Ignoras ergo, seu potius non curas (curares quidem si Theodosium Imperatorem respicerent) quæ Ephesini Patres scripserunt de hoc negotio ad Romanum Pontificem Cælestinum? „Si enim (ajunt) data fuerit vo-  
„ lentibus licentia, & majores sedes injuriis afficere, &  
„ contra eos, in quos non habent potestatem, contra  
„ leges sic & contra canones proferre sententias, aut  
„ potius

„ potius injurias . . . ibunt ad ultimam confusionem  
 „ Ecclesiæ res . Castigatis autem secundum congruum  
 „ modum talia audentibus, vacabit omnis turbatio,  
 „ & condecens Canonibus reverentia ab omnibus fer-  
 „ vabitur (1) „ . Falso igitur supponis Joannem, suos-  
 que collectitios episcopos, qui pro Nestorio damnato  
 acriter pugnabant, divisione sibi adscita, Catholicos  
 adhuc extitisse, non vero schismaticos. Nam ut tace-  
 am vere schismaticos habitos esse a toto Concilio E-  
 phesino, a Sanctis Pontificibus Cælestino & Xysto, &  
 ab Episcopis omnibus totius Orbis Christiani, ipse-  
 met Joannes ad Ecclesiam rediens qui foras migrave-  
 rat, schismaticum se fuisse aliquo modo confessus est,  
 in adimplendis conditionibus præscriptis a Romano  
 Pontifice, in Fidei professione præstita, & in accepta-  
 tione Concilii Ephesini, quod ipsum & suos excom-  
 municaverat (2). Quamobrem schismaticos eos epi-  
 scopos ante reditum tenent usque modo Catholici om-  
 nes Scriptores, ne Gallicanis quidem exceptis, Bossue-  
 to, Tillemontio, Fleuryo, Natali Alexandro, cete-  
 risque omnibus (3).

VIII. Non erat ergo tibi dicendi locus, post pa-  
 cem initam ac firmatam inter Cyrillum & Joannem,  
 seu verius inter Ecclesiam & rebelles Ecclesiæ; post  
 Fidei professionem ab Joanne emissam, & post damna-  
 tum Nestorium, Romanum Pontificem Xystum, &

C 2

ex

(1) Concil. Ephes. ad Cælest. Pap. epist. 20. cap. 5. apud  
 Constant.

(2) Vid. epist. Joan. Antioch. ad Cyrill. & alia epist. ad Xyst.  
 Cyrill. & Maxim. quæ apud Const. est 3. int. Xystin. Vid. & epist.  
 Euther. Thyan. &c. ad Xyst. quæ est 4. Vid. & epist. Xyst. ad  
 Cyrill. 5. & ad Joan. Antioch. 6.

(3) Bossuet Memor. supr. cit. contr. Dupin. Tillemont. In S. Cy-  
 rill. Articl. 90. 91. 94. 98. & alibi pass. Fleury Stor. Eccles. lib.  
 25. §. 54. lib. 26. §. 16. & 17.

ex utraque parte Antislites omnes, veluti sopore excitatos, cum gaudio admiratos fuisse præter opinionem suam, doctrina inter sese convenire; cum antea singulos longe a se distare singuli opinarentur. Verum quidem est, quod ais pag. 109., Xyslum Tertium sibi de pristina pace atque concordia reducta gratulatum esse vehementer, quemadmodum gratulatus est etiam, se nihil egisse *præcoquum*, sed non quatenus conniventiam adhibuerit erga errantes, vel fuerit assentatus eisdem, ut tu perpetuo hæreticis assentaris: sed contra ut ostenderet nihil præcipitasse, omnia mature egisse, quidquid egerit contra Joannem, & nihil non egisse, ut pacem repararet Ecclesiæ, atque aberrantes revocaret ad rectam viam. Lege, mi carissime, non partium studio, sed solo veritatis amore, ea quæ originaliter deprompta ab epistolis Xysli subter hic tibi relata objiciuntur; nec amplius audebis vel asserere, vel supponere, sapientissimum Pontificem vel nihil egisse ut schisma removeret, vel omnia per conniventiam tolerasse ne schisma oriretur, tanquam schisma non exitisset. „ Magna sumus lætitia alacritatis impleti, „ ait Xyslus Papa, postquam sicut legimus, ex alto „ nos Oriens visitavit. Ecce enim, *sollicitis nobis*, „ quia neminem perire volumus, sanctitas tua *redintegratum corpus Ecclesiæ* suis epistolis indicavit. „ Redeuntibus ejus in sua membra compagibus, neminem foris jam videmus errare, quia intus *omnes „ positos fides una testatur* . . . Exulta frater carissime, „ & ad nos *recollectis fratribus* victor exulta. *Querebat Ecclesia quos recepit* . . . Legimus una ovis quantum gaudii reportata præstiterit: & idcirco intelligendum est quid laudis habeat *tantos revocasse pastores*. Greges adspiciuntur in singulis: nec unius hic causa tractatur, quoties agitur de sanitate multorum, Lætamur hic *nihil egisse præcoquum*, quan-

„ do

„ *do fructu nostræ sententiæ gratulamur* (1). Frua-  
 „ mur auctore Domino, bono atque jucundo, quia  
 „ *in unum fratres rursus capimus habitare*. Hæc san-  
 „ ctitatem tuam volumus prædicare quæ scribis. *Ex-*  
 „ *pertus es, negotii præsentis eventu quid sit sentire*  
 „ *nobiscum* „ Sic rescripsit Xystus ad Joannem Antio-  
 chenum post suum reditum ad Ecclesiam epist. 6. cap. 5.  
 Explicat vero celeberrimus ex Maurinorum familia  
 Pater Coustant „ *Hoc est eam Apostolica Sede, cui in*  
 „ *primis Fidei Depositum a Christo in Petro creditum,*  
 „ *& a Petro Successoribus suis traditum atque trans-*  
 „ *missum fuit* „. In adnot. ibid. g.

IX. Sed revertamur ad Synodum Ephesinam, ne  
 criminoso silentio præterire videamur falsa crimina,  
 quæ per summam injuriam intendis in sacratissimum  
 totius Ecclesiæ Christi conventum. Ais enim pag. 104.  
 „ Ut res componeretur, coacta est Ephesi Synodus  
 „ episcoporum. Sed nova inde mala orta sunt, unde  
 „ remedium expectari debuisset. Illuc appulerat Cy-  
 „ rillus cum suis 200. episcopis: sed itinerum diffi-  
 „ cultate moram passus Joannes Antiochenus cum  
 „ Orientalibus nondum pervenire potuerat: monuit  
 „ ipse Synodum se adventurum paucos post dies, ora-  
 „ vitque, ut nihil interea decerneretur. Sed jam sus-  
 „ piciones animum occupaverant. Cogitur Synodus;  
 „ Nestorii error solemnî decreto proscribitur, ac  
 „ Sancti Cyrilli anathematismi Patrum auctoritate  
 „ probantur; cumque Nestorius jam declarasset se ir-  
 „ ritum habere quidquid egisset Synodus, non expe-  
 „ ctatis ex Oriente Episcopis, concillari judicio e sede  
 „ sua dejectus fuit. Advenit post duos dies (\*) Joannes

C 3

„ cum

(1) Xystus Pap. III. ad Cyrill. Alexandr. epist. 5. cap. 1. & 5.

(\*) Evagrius, cui habenda est Fides, ait non duos sed quin-  
 que. En verba „ Post legitimam hanc, & iustissimam senten-  
 „ tam



„ cum suis , cumque invenisset totum peractum esse ,  
 „ non expectato ipsius adventu , mirum in modum  
 „ excanduit . Hinc dissidia aucta &c. ,

X. Haftenus tu ; sed utinam neque haftenus , neque amplius . Nam si fides haberetur istiusmodi narrationi , jure meritoque Nestorius , irritum habere poterat suæ damnationis decretum , veluti præcipitanter peractum , & a solo Cyrillo , suisque Ægyptiis Episcopis machinatum . Violatæ quippe fuissent non solius disciplinæ regulæ , omnesque canones Ecclesiæ , verum etiam communia jura æquitatis & justitiæ . Adventantibus enim Ephesum cum suo Patriarcha pluribus Episcopis , ut judicio proferendo in causa Nestorii interessent , haud ii expectantur . Proh nefas ! Synodum certior rem facit Joannes Antiochenus tertiæ prisco ordine sedis episcopus , de itineris incomodis & difficultate , neque tamen curatur . Rogat atque obsecrat ipse , ut nihil interea decernatur a Synodo circa Nestorium , pro certo affirmans se adventurum paucos post dies , ut rem probavit eventus : attamen preces non audiuntur .

XI. Quis ergo non videat in illa tua falsissima historia , Cyrillum suspicionibus occupatum , & solo studio Nestorianæ damnationis flagrantem , Orientalium adventum formidasse , propterea quod suffragantibus Nestorii innocentiae , non amplius sperabat futurum , ut iniqua sententia posset illum opprimere ? Et in medio judicii violentia & calliditate parti , sedisse Christum quis credat ? Vel quis non execretur potius violentiam & calliditatem Cyrilli , quam Sanctitatem admire-

---

„ tiam , Joannes Antiochenus Episcopus una cum Antistiti-  
 „ bus suis venit , *quinto post die* quam Nestorius fuerat desti-  
 „ tutus „ . Evagr. lib. 1. cap. 5. Vide Vales. in Adnot. ad So-  
 crat. lib. 7. c. 34.

miretur, zelum & sapientiam? Aut quis non sibi facile persuadeat Œcumenicam Synodum cum Ephesino Latrocinio comparandam? Aut quis denique non videat quemadmodum in Cyrillo Theophilum, & in Nestorio Chrysostomum, ita & in Synodo Ephesina Synodum ad Quercum? (1). Laus tamen Deo, quod vehementer erras. Historiam audito, non ad opus mihi confictam, ut tibi mos est, sed de autographis gestis Concilii desumptam.

XII. „ Congregati sumus, aiebant Patres ad Cælestinum, in Ephesinorum Metropoli ex multis & diversis provinciis ultra ducenti existentes numero episcopi. Deinde piissimis decretis amatorum Christi Imperatorum, per quæ vocati sumus, *tempus definitibus* sessioni sanctæ Synodi diem Sanctæ Pentecostes, omnibus concurrentibus, maxime quia, continebatur in litteris Imperatorum, ut si non aliquis occurrisset post definitas inducias, non bona conscientia abesset, & esset inexcusabilis tam apud Deum, quam apud homines, defuit reverendissimus Johannes Antiochenorum episcopus, non quasi voluntate simplici, sed neque spatio itineris impedimentum faciente, sed occultans mente consilium & cogitationem dissonantem a Deo, quam non longo post tempore veniens Ephesum demonstravit. Distulimus igitur Concilium post definitum diem sanctæ Pentecostes totis decem & sex diebus, cum multi tam Episcopi, quam clerici & ægritudine comprehensi, & afflicti essent in expensis, aliquanti vero & devota migrassent; & erat sicut perspicit tua sanctitas injuria magis contra sanctam Synodum quod agebatur. Tanta enim dilatione perverse usus est; cum utique cum præcessissent multi ex longio-

(1) Vid. Evagr. lib. 1. cap. 7.

„ ribus spatiis . Verumtamen post diem sextumdecim-  
 „ mum præcesserunt quidam ex iis qui cum eo erant  
 „ episcopi, metropolitæ duo, Alexander Apameæ, & al-  
 „ ter Alexander Hierapoleos . Deinde nobis incusan-  
 „ tibus adventus tarditatem reverentissimi episcopi Jo-  
 „ hannis dixerunt non semel, sed sæpius, quia deman-  
 „ davit nobis nuntiare reverentiæ vestræ, quod si con-  
 „ tingerit eum adhuc morari, non differri Synodum,  
 „ sed facere quæ oportebat . His nuntiatis, & mani-  
 „ festo factō tam ex tarditate, quam ab his quæ ab eo  
 „ nuntiata sunt, quia recusat concillium, sive amici-  
 „ tiæ Nestorii præstans, sive quia clericus fuerat sub  
 „ se constitutæ Ecclesiæ, sive quorūdam pro eo pe-  
 „ tionibus cedens, confedit sancta Synodus Ephesi in  
 „ majore Ecclesia, quæ vocatur Maria . Cum autem  
 „ omnibus alacriter convenientibus *solas* deesset Con-  
 „ cilio Nestorius, commonuit eum sancta Synodus  
 „ canonicè per episcopos prima, & secunda, & tertia  
 „ vocatione . Ille autem militibus circumcludens suam  
 „ domum superbiit contra ecclesiasticas leges, nec  
 „ passus est semetipsum manifestum constituere, nec  
 „ satisfacere de iniquis suis blasphemiiis &c. „ . (1)

XIII. Post hæc consule Bossuetum in laudata Me-  
 mor. contra Dupinium cap. 2. Observatione 1. & se-  
 quentibus, ubi plenissime dissipatas reperies tuas illas  
 garrulitates, quas non collatis autographis, ex Dupi-  
 niana Bibliotheca forsitan deprompsisti . Lege etiam  
 Fleuryum, & similia invenies apud ipsum, præsertim  
 contra Joannem Antiochenum, suosque Orientales  
 Episcopos (2) . Sed de hoc satis .

XIV. Modo vero opus est gradum facere ad Semi-  
 pelagia-

(1) Relat. quam Synod. Ephes. transmis. ad Cælest. Pap. cap.  
 1. & 2. apud Coust. ep. 20. int. Cælestinian.

(2) Fleury Hist. Eccles. lib. 25, §. 34. & seq.

pelagianæ hæreseos historiam, quam enarrare incipis quippe qui Ecclesiam damnato etiam errore, *adhuc diutissime errantes* filios, caritatis affectu complecti, niteris probare. Duplicem rei affers rationem, ut scilicet ab errore revocentur errantes, & ne scindatur Ecclesia. Optimam utramque admittimus, neque principium omnimode respuimus, cum hæc omnia tolerantiam respiciant hominum tantum, ubi spes affulgeat eos redimendi ab errore. Sed tibi extra castra vagantur. Nam ut auctoritate Augustini eadem confirmes, affers sancti doctoris adulterata verba hoc modo, „Hanc „moderationem Augustinus servavit. *Mihi videor*, „inquit lib. de prædest. Sanct. cap. 1., *eos fratres* (Semipelagianos) *eo modo esse tractandos, quo tractavit Apostolus*, quibus ait: & si quid aliter sapitis, *hoc quoque vobis Deus revelabit*. Errorem quidem acerrime redarguebat, sed errantes fraterno charitatis vinculo tractabat. *Impendamus*, ait, *eis dilectionis affectum, ministeriumque sermonis*. Hoc scilicet, ut si fieri possit, ab errore revocentur, illum vero, ne scindamus Ecclesiam, pag. 110. Hæc tu, sed non hæc Augustinus.

XV. Quamobrem quis non indignetur te affingere magno illo doctore tantum errorem, ut ore tuo videatur docere, hæreticos idcirco cum moderatione tractandos, ut expectemus Deum iisdem revelare quidquid aliter ab Ecclesia sapiunt, seu potius desipiunt? Eos ergo hæresis dignos faciet, qui Divinitus tanta præmia recipiant? Minime gentium. Augustinus enim loquitur ibidem de primis illis Semipelagianis, quorum error vix natus præsertim inter Massilienses presbyteros, viros magna ex parte religione ac pietate conspicuos, non adhuc erat ab Ecclesia aliquo speciali decreto damnatus. Homines vero, cum non errarent nisi circa initium fidei, spes erat revocandi ad viam veri.

veritatis; quandoque patet jam respuisse Pelagianorum hæresim, neque eo pertinaciter reliquam erroris hæcenus propugnasse, ut Ecclesia æque ac Augustinus, Prosper, & Hilarius desperarent de plenissima ejus abdicatione. Atque etiam si considerare vis, quæ sit Augustini vera sententia, quam sit aliena ab illa quam tribuis tu ad fucum faciendum imperitis, credulisque, recognosce verba hic tibi ita relata, ut nihil addatur, minuaturque.

XVI. Profecto nullibi invenies illam tuam tortuosam conclusiunculam = *Ne scindamus Ecclesiam* = quam Augustino de industria affingere conaris. Idem dicendum de iis, quæ intempestive congeris ibidem, vel ex Sancto Prospero, vel ex episcopis Africanis in Sardinia exulantibus. Nam verba quæ profers, licet hinc inde a te collecta, atque in unum callide, ut videtur, redacta, tamen nihil aliud præferunt, quam Christianæ Caritatis officia errantibus præstanda, ne desit ministerium, quo Deo dante, revocentur in vias rectas. Quare Augustinus inquit, „ Consideratis enim „ litteris vestris (Prosperi & Hilarii) videre mihi vi- „ deor eos fratres, pro quibus geritis piam curam, „ ne teneant poeticam sententiam, qua dictum est : „ *Spes sibi quisque* : & in illud incurrant, quod non „ poetice, sed Prophetice dictum est : *Maledictus om- „ nis qui spem habet in homine* : eo modo esse tractan- „ dos, quo tractavit Apostolus, quibus ait : *Et si quid „ aliter sapitis, hoc quoque vobis Deus revelabit*. Ad- „ huc quippe in quæstione caligant de Prædestinatio- „ ne Sanctorum. Sed habent unde si quid aliter in ea „ sapiunt, hoc quoque illis revelet Deus, si in eo am- „ bulent in quod pervenerunt. Propter quod Aposto- „ lus cum dixisset : *Si quid aliter sapitis, hoc quoque „ vobis Deus revelabit*. Veruntamen inquit, in quod „ pervenimus, in eo ambulemus. Pervenerunt autem „ isti

„ isti fratres nostri , pro quibus sollicita est pia chari-  
 „ tas vestra , ut credant cum Ecclesia Christi , peccato  
 „ primi hominis obnoxium nasci genus humanum ,  
 „ nec ab isto malo , nisi per iustitiam secundi hominis  
 „ aliquem liberari . *Pervenerunt etiam , ut praevenire*  
 „ *voluntates hominum Dei gratia fateantur , atque ut*  
 „ *ad nullum opus bonum vel incipiendum , vel perfici-*  
 „ *endum sibi quemquam sufficere posse consentiant .*  
 „ Retenta ergo ista in quæ pervenerunt , plurimum  
 „ eos a *Pelagianorum errore discernunt* . Proinde si in  
 „ eis ambulent , & orent eum , qui dat intellectum ,  
 „ si quid de prædestinatione aliter sapiunt , ipse illis  
 „ hoc quoque revelabit . Tamen etiam nos impendamus  
 „ eis dilectionis affectum , ministeriumque sermonis ,  
 „ sicut donat ille quem rogamus , ut in his literis  
 „ ea , quæ illis essent apta & utilia diceremus , (1) .

XVII. Pereunt ergo Moderationis exempla , quæ  
 ex quinque prioribus Ecclesiæ seculis tibi propositum  
 fuit eruere , ut ostenderes qua ratione *personas errantes*  
*consueverit Ecclesia tractare , vel in gratiam earum*  
*errores ipsos Ecclesiam non semel toleravisse ; quoniam ,*  
*ut affirmas plura licite potest , & debet tolerare mala .*  
 Nihil enim systematis fundamenta quæ ponis , præter  
 hoc unum concludunt , quod te ferme nolentem & ne-  
 scientem falsarium efficiunt . Verum sub silentio nunc  
 præterire opus est Acacianum Schisma , quanquam pro-  
 diverit quinto exeunte Ecclesiæ seculo , & initio sex-  
 ti deserit . Nam impossibile est ad calcem hujus epi-  
 stolæ brevi spatio intercludere tot ac tanta , non dicte-  
 ria , sed mendacia , & adulterationes , quibus non sin-  
 gillatim & discretim , sed coacervatim Acaciani Schis-  
 matis historiam conscripsisti . Quamobrem illius con-  
 futationem in aliud tempus differre , ac altero Curso-

re

---

(1) August. de Prædest. Sanct. cap. 1.

re tibi remittere melius est. Interim vero ea maxime virtute, ut talia dediscas rudimenta si habes, ne (quod Deus avertat) miles exercitatus prodeas tandem rebellis Ecclesiæ. Attamen optima fretus indole tua, adolescens præclarissime, spem bonam concepisti futurum, ut litteras legendo meas, inter dolum & fraudem hæcenus incessisse compertum habeas. Vale in Christo.

## EPISTOLA TERTIA.

*De Acacio Patriarcha Constantinopolitano, ejusque Schismate.*

I. **P**ost breve intervallum venio iterum ad te, carissime Thaddæe mi, historiam examinaturus, quam colligis Acaciani Schismatis, de quo video te prolixius loquutum in libro de Tolerantia, per quatuor integros, longosque paragraphos, a pagina 112. usque ad 121. Sed (mirabile dictu!) materia superatur multitudine errorum, quibus aut mentiendi causa, aut libidine infamandi Romanos Pontifices, summa videris industria paginas referisse. Sic enim incipis  
 „ Siquidem in Ecclesia Constantinopolitana Gennadio  
 „ successerat Acacius, qui multas tragœdias in Orientem excitavit. Nam Petrum Mogzum, quem prius  
 „ velut hæreticum fuerat merito infectatus, in communionem suam recepit, & in sedem Alexandrinam  
 „ a Zenone Imperatore restitui curavit. Id ægre tulit  
 „ Romanus Pontifex, noluitque cum Petro communionem habere. Immo communionem suam etiam Acacio denegavit, eumque a sede deposuit in Synodo.  
 „ Hanc depositionem tam illegitimam respuerunt Orientales. Hinc proprie schisma ortum est. Nam Romani Pontifices eam tueri volentes, non solum Acacium  
 „ cium

„ cium a communione Ecclesiastica segregarunt, sed  
 „ quotquot cum Acacio communicabant, scilicet maxi-  
 „ mam Ecclesiæ partem, ac præ cæteris sanctos viros  
 „ Sabam, Theodorum, Danielem Stilitam, Eliam Hiero-  
 „ solymitanum, aliosque. Quod durum, ac formidan-  
 „ dum visum est Tillemontio tom. xv. hist. Eccles. Nec  
 „ solum Acacii personæ bellum motum est a Romanis,  
 „ sed etiam ipsius memoriæ. Exigebant enim ab orien-  
 „ talibus, ut ejus nomen e diptychis raderetur; nec nisi  
 „ sub hac conditione communionem suam exhibebant.  
 „ Immo longius progressi sunt; nam e diptychis non  
 „ unius Acacii nomen deleri volebant, sed eorum  
 „ etiam omnium nomina, qui dum viverent, cum  
 „ Acacio unitatis vinculo conjuncti fuerunt. Hinc  
 „ anathema jussu est dari viris sanctitate illustribus;  
 „ quorum memoria in benedictione erat apud Orien-  
 „ tales &c. „ Verba tua sunt, sed revera non tua,  
 „ quoniam ex hæreticis mutuata sibi ipsa mentiuntur.

II. In primis enim concedis, mi carissime, Aca-  
 cium *multas tragædias in Oriente excitasse, propterea*  
*quod, cum olim infectatus merito fuerit Petrum Moggum*  
 virum hæreticum, repente mutatus in suam commu-  
 nionem ipsum recepit, rursusque curavit, ut Zeno  
 Imperator vel hæretico pejor, vi & armis in sedem  
 Alexandrinam, invita universa Catholica Ægyptiorum  
 Ecclesia, reponeret. Deinde vero, uti non bene se  
 gesserit, frigide asseris, id ægre tulisse Romanum Pon-  
 tificem, nec voluisse cum Petro Moggo communionem  
 habere: imo communionem suam etiam Acacio dene-  
 gasse; quasi prius cum Moggo communicaverit, vel  
 opus esset cum utroque communionem habere, ovibus  
 sociare lupos, & unam Christi Ecclesiam, unitate fi-  
 dei præsertim compactam, ex omnibus componere se-  
 ctis hæreticorum, ac amore pacis, quæ non est pax,  
 cum sectatoribus omnibus communionem habere.

III. Præ-



III. Præterea quid exaggerare te ibidem tantopere audio, maximam Ecclesiæ partem, sanctissimosque viros nihil Romanorum excommunicationem facientes, cum Acacio tamen perpetuo communicasse? Equidem ex certissima historia patebit inferius suppetere tibi mendacia, cum desint argumenta. Nam propterea solertissime affirmas, *Acacii depositionem tamquam illegitimam respuisse Orientales*, ut contra irritos Ecclesiæ Romanæ conatus illegitima revera existimetur ab incautis, & pro nihilo habeantur Summorum Pontificum excommunicationes, neque tanti existimetur in posterum Ecclesiæ Romanæ communiō (\*). Ex ejusmodi enim præmissis quisque facile sibi persuadere potest, te paullatim ad iniquam illam descendere conclusionem. Hinc ad majorem conflandam invidiam, fallacissime scribis Romanos Pontifices, ut a se factam Acacii tuerentur depositionem, *maximam ecclesiæ partem excommunicasse*, ac nominatim sanctissimos viros *Sabam, Theodorum, Danielelem Stilitam, Eliam Hierosolymitanum*, aliosque, qui si tibi fides haberetur, stabant pro Acacio una cum Universo Oriente.

#### VI. De.

---

(\*) Auctor affirmat hic cum Tillemontio, seu potius cum editore posthumi tom. 16. veram Evangelii sanctitatem, sanctisque viros, quos veneratur Ecclesiæ Catholica, reperiri posse etiam extra communionem Ecclesiæ Romanæ, sed non perpendit vel Tillemontium in opere non adhuc forsitan perpulito id minus caute asseruisse, vel ejus editorem ad calcem vitæ Euphemii additionem illam fecisse. Nam Gallicani ipsi novitatem respuerunt cum indignatione. „ On ne sauroit approuver „ les propositions contenues dans ce paragraphe, ni quelques „ autres de même sorte, que M. de Tillemont, ou celui qui „ a publié ce tome posthume ont avancées touchant le dis- „ rend des Eveques d'Orient avec les Pontifes Romains. L'ex- „ pression est trop hardie & trop dangereuse quand on dit que „ hors la communion Romaine on peut mériter le titre de saints „ & de Confesseurs &c. „ Annotator Tillem. in Euphem. artic. 10.

IV. Denique non erubuisti Petrum Moggum *restitutum* dicere in sedem Alexandrinam, quasi legitime olim occupasset eam, habuissetque suam; & non potius pervasor ac perturbator iniquissimus illius Ecclesiæ semel atque iterum extitisset; quandoquidem injuria summa coegerit primum in fugam abire Timotheum Salophaciolum, postea vero Joannem Talajam piissimos Alexandrinorum episcopos. Noli ergo *restitutum* vocare qui *recidivus invasor* cum Sancto Simplicio Papa merito est appellandus (1). Verum non hic desit oratio tua. Ita enim crescit ut fere ad summam injuriam fallaciamque perveniat, quando ut pacis Ecclesiæ hostes perpetuos quisque credat Romanos Pontifices, ludis hujusmodi ratione loquendi.

V. „ Nec solum Acacii personę bellum motum est  
 „ a Romanis, sed etiam ipsius memoriæ. Exigebant  
 „ enim ab Orientalibus, ut ejus nomen e diptychis  
 „ raderetur; nec nisi sub hac conditione communio-  
 „ nem suam exhibebant. Immo e diptychis non unius  
 „ Acacii nomen deleri volebant, sed eorum etiam,  
 „ omnium nomina, qui dum viverent, cum Acacio  
 „ unitatis vinculo conjuncti fuerunt. Hinc anathema  
 „ jussu est dari viris sanctitate illustribus, quorum  
 „ memoria in benedictione erat apud Orientales. His  
 „ conditionibus quatuor Romani Pontifices inhæse-  
 „ runt firmissime per 36. & amplius annos, nec un-  
 „ quam se removeri passi sunt vel quorundam Epi-  
 „ scoporum precibus, vel tot malorum præsentia, quæ  
 „ ab eo schismate producebantur. Unus Anastasius  
 „ Secundus a prædecessorum suorum *duritie* recedere  
 „ visus est. Sed post ipsius obitum iterum ad duri-  
 „ tiem reversum est. Quæ sane *durities* gravissima  
 „ mala

(1) Vid. epist. Acac. ad Simplic. Pap. epist. 9. Simplic. ad Acac. 19. ad Zenon. Imper. 11. ad Acac. & seqq. Concil. Tom. 4. col. 1089. & seqq.

„ mala in Oriente peperit. Quorum malorum præ-  
 „ sentia commoti Orientales episcopi, cum flectere  
 „ Romanorum animos non possent, ob unitatis, ac  
 „ pacis studium conditionibus acquieverunt. Non  
 „ defuerunt tamen aliquæ Orientis ecclesiæ, quibus  
 „ id nimis durum videbatur, quæque propterea in  
 „ damnationem episcoporum suorum consentire no-  
 „ luerunt. Utrum agendi ratio, quam Pontifices te-  
 „ nuerunt, Ecclesiæ Christi spiritui congrueret, dif-  
 „ ficile non est judicare. Id primum colligi potest ex  
 „ insignioribus illis ætatis episcopis, qui mitiorem  
 „ animum in Romanis Pontificibus desiderarunt, .

VI. Hinc pro ingenio tuo citare non dubitas San-  
 ctum Avitum Viennensem Episcopum, uti improban-  
 tem ejusmodi rationem agendi Romanorum Pontifi-  
 cum. Sed callide verba præteris, ne facilius detege-  
 retur commentum. Avitus enim cum ignoraret no-  
 vam illam tuam *Unitatem*, qua nonnullos cum Aca-  
 cio scribis fuisse conjunctos, tamquam errantes extra  
 Ecclesiæ Catholicæ castra habuit Orientales, schisma-  
 te Acaciano durante: ac ideo summo opere gavisus est  
 de *ovium infirmantium reditu ad cælestes caulas*, & de  
 ab ipsis *redintegrata pace cum ovibus intra claustra*  
*salvatis* (1). Idem facis de Patriarcha Constantinopo-  
 litano Euphemio, quem Euphremium iterum iterum-  
 que appellasti. Ipse vel sibi comminaturæ seditionis me-  
 tu, vel Imperatoris causa, pro Acacio a Diptychis  
 non eradendo, aliquo modo stetit contra Romanos  
 Pontifices, a quibus in hoc tantum reverenter dis-  
 sensit.

VII. Sed tu frustra venditas duas scripsisse episto-  
 „ las ut ad lenitatem flecteret Gelasium Papam, a  
 „ quo

---

(1) Vid. S. Avis. ep. 37. ad Petrum Episc. ep. 87. ad Hofmid.  
 Pap. & epist. 7. ad Joan. Constant. Vid. Tillem. in Acac. Artic. 38.

quo non habuit nisi *durissimas responsiones*. Quibus  
 factum est, ut passim ab Orientalibus *Romanorum*  
*superbia* argueretur, neque a Gelasio pacem amari  
 crederetur. Unus Anastasius Secundus satis ostendit  
 se predecessorum suorum *duritiem* nequaquam pro-  
 bare. Nam missis Legatis, atque scriptis ad Im-  
 peratorem humanissimis litteris, etiamsi rogaret ut  
 diptychis deleteretur nomen Acacii qui prima fuerat  
 schismatis occasio, tamen de aliorum episcoporum  
 nomine, qui cum Acacio communicaverant nihil  
 sollicitus, teste Anastasio Bibliothecario, paratissi-  
 mus erat nomen Acacii restituere, dummodo dis-  
 sensiones Ecclesiarum componerentur. Sed obiit re-  
 pente Anastasius, cui unus post alterum successerunt  
 Symmachus & Hormisdas, qui Anastasii vestigia non  
 secuti, rem denuo in summo discrimine posuerunt.  
 Nam Orientales beate memorie nomina Ss. Euphre-  
 mii ac Macedonii in sacris diptychis reposuerant, e  
 quibus odio catholicæ fidei abraferant Eutychiani.  
 Poscebant igitur prudentiæ leges, ne Hormisdas in-  
 sisteret abrasioni petendæ nominum tam caræ re-  
 cordationis, cum id ne fieri quidem posset absque  
 periculo seditionis, & populi tumultus. Hinc ro-  
 gatus ab Justino Augusto, ut ab ista conditione rece-  
 deret Hormisdas, flecti non potuit ejus animus, &  
 institit proposito *pertinacissime*. Tantam *animi se-*  
*vitiam* doluit Orientalis Ecclesia; sed pacis amore  
 ducta *satius duxit sanctorum suorum nomina* e di-  
 ptychis dimittere, quam utramque Ecclesiam per-  
 petua divisione sejungere.

VIII. Hæc tibi est, carissime mi, Orientalium Ec-  
 clesiarum moderatio, apud quas sanctos abradere e di-  
 ptychis, idem est ac hæreticos reponere in ipsis. Ergo  
 dum pacis studiosas facis, exhibes prostitutas, & ve-  
 ritatis atque justitiæ improbissimas proditrices. *Quid*

D

igitur

*igitur hic dicemus?* Opportunissimo clamat contra te Hermianensis Facundus, qui, ut optime scis, non longe ab illis temporibus claruit, regnante Justiniano Imperatore,, Numquid per tot annorum spatia,, non est inventus quisquam in Romanis Sacerdotibus a Felice Acacii damnatore, usque ad Hormisdam, qui Orientis reconciliavit Ecclesias, inter quos fuerat etiam B. Gelasius in sanctitate vitæ atque scientia per universum mundum celebrioris famæ gloria prædicatus, non est inventus vel in Romano clero, Christiana plebe inibi consistente, vel in cunctis occidentalibus Ecclesiis, qui vel taptum esset pro Ecclesiarum unitate sollicitus, quantum Magister hic novus (Mocianus, cujus te exhibes dignissimum successorem) novissimis temporibus destinatus; ut nemo cognosceret & doceret quod in eadem quoque *causa malorum communio toleranda foret*, ne cum zizaniis eradicaretur & triticum? (1)

IX. Attamen prosequeris,, Quædam tamen Orientalium Ecclesiæ eam gravem injuriam fieri memorix sanctorum suorum passæ non sunt. Hinc relliterunt *Romanorum supercilio*. At instabat Hormisdas ut in illas vi ac pœnis animadverteret Justinus Augustus; sed longe melius quam Pontifex ecclesiæ spiritum ipse intellexerat, nec votis Pontificis annuit. Contra vero hortatus est Pontificem, ut nominis Acacii abrasione contentus, de cæteris non inquireret. Atque antea ad eundem pontificem scripserat Imperator Anastasius (impiissimus hæreticus) his verbis. *Nimis durum sibi videri mortuorum causa ab Ecclesia viventes expellere &c.*, Post hæc tibi metipso hoc epiphonemate acclamas = *Quanto melius judicabant laici a partium studio liberi, quam in*

---

(1) Facund. Hermian. lib. contr. Mocian. infr. init.

*in propria causa summi Ecclesiæ pastores!* = Ergo putas optimum rerum ecclesiæ te laudasse iudicem Anastasium, & non potius *indignum qui Christianis imperaret*, ut aiebat Euphemius Patriarcha? (1). Sed cave ne quis tibi Facundi ore dicat = *Non ergo ulterius abutatur in suam aliorumque perniciem novus hic doctor assertionibus & exemplis* = (2). Nam summi ecclesiæ pastores non in propria causa, sed in causa multorum episcoporum, qui in odium fidei a Zenone & Anastasio Imperatoribus vexabantur, & in causa Ecclesiæ Universæ, ea qua Divinitus pollebant auctoritate iudicabant.

X. Verumtamen non hic desinis a mendacio. Sic enim perseveras pag. 120. „ Cum nollet Hormisdas „ ab inceptis desistere, & cum intelligeret illas Orientis Ecclesias propositas condiciones respuere, nec „ Augustum votis suis annuere velle, rem totam remisit arbitrio Epiphaniæ Constantinopolitani, qui „ mitiora consilia secutus, ut unius Acacii nomen deleteretur expetiit, & Ecclesias omnes amico fœdere „ conjunxit. Quare exitus comprobavit indolem ac spiritum Ecclesiæ magis hac in causa prodidisse in „ Oriente, quam in Romanis Episcopis. Quod & posteriorum sæculorum iudicium fuit, immo vel ipsius Ecclesiæ Romanæ, quæ postea quasi non factum „ consideravit quidquid hac in re gestum fuerat a præsulibus suis. Nam non solum permisit ea, de quibus lis erat, nomina episcoporum iterum in diptychis Ecclesiæ Orientalis inscribi, sed etiam suis Beatorum fastis inseruit, ac iis honorem ac cultum „ exhibuit, quorum, dum viverent, communionem Pontifices Romani rejecerant. Quo satis comprobatum est ipsius iudicio in ea causa modum Pontifices

D 2

„ exce-

(1) Theodor. Lect. Hist. Eccles. lib. 2, n. 6.

(2) Facund, Herm, loc. cit.

„ excessisse „ . Hæc sunt compendio quæ tu de Acaciani Schismatis historia protulisti . Miror ignominiam non pungere , quem veritatis amor non ferit !

XI. Falsissimum enim est , Ecclesiam Romanam , quæ hætenus firmissime tenet quidquid actum fuit contra Acacium a sex præsulibus suis , tamquam non facta considerasse quæ gesta fuerunt . Testem quidem habemus Facundum , quod ea quippe volente , non solum Romæ & apud Occidentales , sed etiam apud Orientales universos , usus invaluit , ut novî episcopi omnes antequam consecrarentur , *per libellos* damnarent nomen Acacj (1) . Equidem fateor Græcos per tempus aliquod sæculari potentia fultos duorum præcipue Imperatorum , qui hæretica labe polluti erant , pluribus annis Acacii nomen recusasse quominus eraderent e sacris diptychis . Non tamen quia vel infontem , vel minus culpabilem eorum plerique existimarent , sed maxime quia ex ipsius damnati nominis erasure , irritas propterea inde evasuras putabant ordinationes omnes ab eo factas , reiterandumque Baptismum . Errorem abstulit Anastasius Papa Secundus , definiens crimen Acacii ipsum tantum respicere (2) .

XII. Sed quid est quod unus te movet Acacius , & hæreticorum quærelæ ? Contra vero quid præteris Joannem Talajam virum optimum , atque Secundæ Sedis , Alexandrinæ scilicet Episcopum , qui Acacianis machinationibus legitima possessione deturbatus , Acacium apud Romanum Pontificem canonice accusavit , & exemplo Majorum suorum Primæ Sedis imploravit auctoritatem , ut sibi restitueretur Episcopatus ? Quid taces de Calendione probatissimo Antiochiæ Antistite , quæ totius Orbis Christiani tertia Sedes habebatur ? An ignoras ipsius Acacii opera fuisse episcopatu depulsum

(1) Facund. Herm. lib. contr. Mocian. in fr. init.

(2) Vld. Tillem. In Acac. Artic. 54.

sum, atque in ejusdem Sedem Intrusum fuisse Petrum Fullonem hæreticorum monstrum, quem paullo ante Acacius ipse damnaverat? Quid taces tot ac tanta crimina ab Acacio patrata? Quid supposititiis coloribus pingis jam confictas hæreticorum calumnias, ut iis tamquam rebus gestis moveantur lectores? (1) Contra vero quum Catholicus videri velis de tot pulsis Catholicis Episcopis siles, & siles etiam de in eorum locum immissis Eutychianis hæreticis? Vix mussitare te audio, Acacium tragædias excitasse, & primam extitisse schismatis causam. Sed nullam mentionem facis de canonica ejus accusatione ad legitimum tribunal Romani Pontificis; neque de ipsius damnatione ab uno & altero Concilio, vel septuaginta vel quadraginta circiter Episcoporum Romæ habitis a Felice Papa Tertio, qui sententiam protulit, quam justissimam Universa probavit Ecclesia, & justissimam ultro fatentur Gallicani Scriptores, Tillemontius, Natalis Alexander, Fleuryus, ceterique omnes (2).

XIII. Quid garris ergo Romanos Pontifices bellum movisse Acacio; ejusque memoriæ, cum opus esset potius dicere motum ab Acacio bellum fuisse Ecclesiæ Universæ, & suis præsertim episcopis per Orientem constitutis? Quoniam ipso instigante Zenonem Augustum, præter duos laudatos Episcopos, sedibus expulisse patet Catholicos Præsules Nestorem Tharsensem, Cyrum Hierapolitanum, Joannem Cyrestensem, Romanum Chalcidem, Eusebium Samosatenum, Julianum Mopsvestenum, Paulum Constantinæ, Manum Hemeriæ, Andream Theodosiopolitanum, Eliam Cæsariensem, Thomam, Nicostratum, aliosque permultos, qui Ecclesiæ Romanæ uti par erat, inherentes;

D 3

Fi-

(1) Vid. epist. 4. Felic. Pap. ad Acac. Concil. tom. 4. col. 1073.

(2) Vid. Tillem. in Acac. & sur S. Macedon. passim. Fleury toto lib. 31. pass. Natal. Alex. sæcul. 5. Dissert. 19.



Fidem Chalcedonenſis Concilii Apoſtolica tuebantur conſtantia & firmitate (1) : Sed cum univerſum Orientem, ideoque maximam Eccleſiæ partem Romanis adverſantem temere affirmas, cur ſiles plurimorum Epiſcoporum univerſi Orientis, & præſertim Conſtantinopolis Acœmitarum ad ſedem Apoſtolicam iteratos recurſus, quibus de nimia, ut ipſis videbatur, Romanorum Pontificum erga Acacium conniventia conque- rebantur? (2). Et tanta miſeratione commotus in hæreticos atque ſchiſmaticos, ut vehementer doleas, nimis dure habitos a Romanis Pontificibus, propterea quod renuebant omhino communicare cum ipſis, nihil inde moveris tot Catholicorum Sacerdotum, & religioſiſſimorum virorum necibus, etiam inter templum & altare peractis ab illis Eutychianis, quorum tantopere miſereris?

XIV. Nihil te movent lacrymę ducentorum & amplius Archimandritarum & Sacerdotum, qui ſuis datis nominibus, Acacium damnabant, & pro univerſo Oriente Catholico deprecantes ad Romanum Pontificem Sanctum Hormiſdam, quem tu impudentiſſime vocas pertinaciſſimum, tanquam ad Eccleſiæ univerſę Caput, & ad Patrem communem religioſiſſime con- fugerunt? Audias quęſo cum Hormiſda loquentes  
 „ Euntibus namque nobis ad mandram domini Simeo-  
 „ nis pro cauſſa Eccleſiæ, inſidiati ſunt nobis in itinere  
 „ prædicti coinquinati, & ſupervenientes occiderunt  
 „ ex nobis *trecentos quinquaginta viros*, quosdam au-  
 „ tem

---

(1) Vid. epiſt. Hormiſd. 60. 61. & ſeqq. Concil. tom. 4. col. 1507. & ſeq. Vid. Valeſ. Diſſert. de duabus Synod. Roman. a quibus damnat. eſt Acac. cap. 2. & 3. Evagr. lib. 3. c. 18. 19. 20. Vid. Gelaſ. Pap. ad Orient. Epiſc. ep. 15. Conc. tom. 4.

(2) Vid. Valeſ. libid. & in Not. ad Theodor. Lect. lib. 1. n. 22. lit. u. Fleury Hiſt. Eccleſ. lib. 3. §. 17. Dupin. Bibl. Eccleſ. tom. 4. in Felic. Tertio, Vid. Evagr. Hiſt. Ec. lib. 3. cap. 19.

„ tem vulneraverunt; alios vero, qui potuerunt ad co-  
 „ lenda altaria confugere, ibidem peremerunt; &  
 „ monasteria incenderunt . . . Ad singula autem delatę  
 „ ad vestram beatitudinem instruent chartę a venera-  
 „ bilibus fratribus Joanne & Sergio, quos miseramus  
 „ Constantinopolim, sperantes vindictam fieri de his  
 „ quę commissa sunt. Sed eos nec verbo dignatus est  
 „ Imperator, sed etiam cum grandi contumelia expu-  
 „ lit, comminatus eis, qui ista porrigerent . . . De-  
 „ precamur ergo, Beatissime Pater, supplicantes &  
 „ rogantes, ut exsurgatis cum fervore & Zelo, &  
 „ condoleatis iuste pro corpore laniato; nam *Caput*  
 „ *estis omnium, & vindicetis fidem contemptam, ca-*  
 „ *nones conculcatos, patres blasphematos* . . . Non ergo  
 „ despiciatis nos, Sanctissime, qui a bestiis ferocibus  
 „ quotidie vulneramur &c. (1) Itaque falsissimum est  
 Orientem universum, maximamque totius Ecclesię  
 partem, ut dictitas tu; excommunicatam fuisse a Ro-  
 manis Pontificibus; nam præter Constantinopolitanos  
 cives universos, & totius Orientis Monachos, infiniti  
 prope numero Episcopi Orientales apertissime cum  
 Romanis perpetuo communicarunt, & persecutionem  
 vel a Zenone, vel ab Anastasio fortiter passi, anathe-  
 matizabant Acacium, & quotquot ejusdem sectabantur  
 communionem (2).

XV. Quamobrem dum impudentissime carpis san-  
 ctum Hormisdam, non recordaris ipsius Legationem  
 ad Orientales, & ad Anastasium Imperatorem cum  
 scripta instructione, in qua non minus prudentia quam  
 caritas refulget, ut ait ipse Fleuryus (3). Sed cum,

D 4

ini-

(1) Exempl. Relat. Minor. Archimandr. Syrię ad Hormisd. Con-  
 cil. tom. 4. col. 1461.

(2) Vid. Hormis. Pap. epist. 14. ad Episc. Orthodox. ibid. col.  
 1452.

(3) Fleury Hist. Ec. lib. 31. §. 22.

iniquissimo Principe omnes evanuerunt sanctissimi viri conatus, ad pacem Ecclesię comparandam. Anastasio autem extincto, atque Justino vix ad Imperium elato, populus Constantinopolitanus, qui antea in miserrima servitute degebat, nonne subitis iteratisque, acclamationibus Episcopum coegit, Synodicas mittere Romam ad communionem impetrandam? Et pace statuta, erasisque nominibus Acacii, Flaviti, Euphemii, & Macedonii, an eruperunt seditiones atque tumultus, quos exaggerabant catholicę pacis inimici, qui æque ac tu conniventiam prædicabant, moderationem, & falsam pacem? Non ut veram Christi pacem haberent; sed ut sub falso velamine pacis hæresis dominaretur (1). Et cum velis eruditus videri, non adhuc novisti omnes omnium ætatum sectatores, prædicare moderationem erga se; dum tamen omni genere persecutionis Catholicos exagitant? Tu novus magister in Israel & ignoras, *quia ultra non erunt fovenda vulnera, quæ merentur absidi* (2)? Quare aiebat sapientissime Clarissimus Bossuetus contra Dupinium.

„ Vi hanno de' falsi moderati, e de' falsi giusti, i quali  
 „ vorrebbero che non si trattassero male gli Eretici;  
 „ ma la Chiesa non è stata mai di questo spirito. Col-  
 „ le parole di S. Celestino diceva essa a tutti i Vesco-  
 „ vi = *Duris dura responsio* = Abbatter bisogna que-  
 „ sti superbi: bisogna rendere abbominevoli al po-  
 „ polo questi avvelenatori che ammazzano le ani-  
 „ me ec. (3)

XVI. Sed tu qui moderationem & conniventiam eo laudas & requiris, ut omnium hæreticorum ac Schismaticorum una sit componenda communio, cur taces de illa conniventia Legatorum Sedis Apostolicę ad

Aca-

(1) Fleury ibid. §i 35. & 43.

(2) Celestin. Pap. ad Nestor. epist. 13. cap. 4.

(3) Bossuet. Memor. sur la Bibliot. di Dupin. cap. 2. Observ. 10.

Acacium, Vitalis & Miseni, qui e custodia producti, Constantinopoli cum Acacio & Petro Moggo communicarunt? Quid taces? Siquidem non taceres, nisi scires falsam illam moderationem, & culpabilem conniventiam, veluti pravaricationem ac perditæ fidei crimen damnatum fuisse ab universa Ecclesia, & præ ceteris a Constantinopolitana plebe orthodoxa, & ab episcopis Ægyptiis, Dardanis, Illyricis, Africanis, Italis, Gallis, & Hispanis. Inter quos omnes erant permulti doctrina & sanctitate conspicui, ac præsertim in Italia, Gallia, & Africa (\*). Verum sanctos non curas, nisi si qui sine iudicio tuo, qui faveant hæreticis atque schismaticis. Itaque dum tantam sollicitudinem ostendis, ut nomen Acacii, qui una cum hæreticis persequebatur Catholicos, in diptychis Ecclesiæ tranquillissime remaneret inscriptum, tu ex albo sanctorum, quos universa colit Ecclesia, expunxisti veneranda nomina Romanorum Pontificum Gelasii, Symmachi, & Hormisdæ, qui non solum a te sancti nunquam dicuntur, sed contra per summam injuriam describuntur quemadmodum destituti spiritu Ecclesiæ, ita libidine dominandi in Cleris, pertinacia, duritie, superbia, supercilio, aliisque criminibus inquinati.

XVII. Verum enimvero clamant contra te omnes Catholici Scriptores, & clamat Ecclesia Universa. Audi Tillemontium, „ Durant que Simplicie travailloit „ pour la paix de l'Eglise, Acace achevoit de la ruiner, en pretendan unir J. C. avec Belial „ (2). Et Natalis Alexander, „ vides, ait, summam Sedis Apostolicæ erga Acacium patientiam & mansuetudinem, „ in quem statim non animadvertit, sed variis per „ triennium commonuit literis, ut ab hæreticorum,

D 5

„ com-

(1) Vid. Tillem. in Acac. Artic. 34. 35. 36. 37. & 38.

(2) Tillem. in Acac. artic. 24.

„ communione recederet; deinde missa legatione ad  
 „ officium revocare studuit. Vides Acacii contuma-  
 „ ciam, qui nec Romanum Pontificem suis responsis  
 „ dignatus est, *nec ad Sedis Apostolicæ tribunal cano-*  
 „ *nice vocatus* sistere se voluit, aut saltem per Lega-  
 „ tos respondere. Vides Acacium communionis ini-  
 „ tæ cum hæreticis manifestis convictum reum, & vio-  
 „ lata Legationis Apostolicæ. Vides Romanos Ponti-  
 „ fices Acacium damnantes Synodi Chalcedonenfis  
 „ constituta, quibus non Eutyches tantum & Diosco-  
 „ rus, sed & eorum sectatores, & sectatorum commu-  
 „ nicatores fautoresque damnati sunt, executioni man-  
 „ dasse *pro jure & officio Primatus*. Æquissimam igitur  
 „ Pontificum Romanorum in Acacium sententiam  
 „ nemo non dixerit (1). Hæc Natalis Alexander, qui  
 totus est in Acacio ab hæresi purgando.

XVIII. Sed tu eo longius progredieris, ut ab omni  
 veluti crimine & reatu Acacium excusare videris;  
 contra vero iniquissime damnas Romanos Pontifices  
 firmiter urgentes, ut ipsius nomen eraderetur e dipty-  
 chis. Summa tamen injuria; nam quum Acacii depo-  
 sitio sit omnibus justissima, quomodo ergo nomen ipsi-  
 us retinendum erat in diptychis, tanquam fuisset inju-  
 ste depositus? Et quomodo inter Constantinopolitanos  
 Episcopos habendus erat æque ac in pace & commu-  
 nione obivisset Ecclesiæ? Qui ergo tantam modera-  
 tionem prædicas & conniventiam erga hæresim &  
 hæreticos, ut unius Acacii nominis causa existimes,  
 Romanos suam durius negasse communionem Orienta-  
 libus, audi Sanctum Gelasium Papam de nomine illius,  
 ac de Petro Moggo loquentem. „ Cur ergo per Petri  
 „ & Acacii nomina rursus inimica sepes intexitur,  
 „ quam

---

(1) Natali Alex. Hist. Eccles. Sæcul. 5. Diff. 19. Vid. Liberat-  
 in Breviar. cap. 17. & 18.

„ quam semel Christi crux, mors, & sanguis destru-  
 „ xit, solvit, & evertit? Non ergo dividat eos inter-  
 „ positum Petri & Acacii nomen, quos tanti mediato-  
 „ ris pretiosus sanguis univit „ (1). Cur ergo tam ve-  
 hementer displicet in Romanis Pontificibus, & in Ec-  
 clesia Occidentali universa, quod non displicet in  
 Orientalibus? Cur priores damnas, qui causam totius  
 Ecclesiæ, & tot episcoporum atque Patriarcharum,  
 pro fide pugnantium agebant, contra vero extollis spi-  
 ritum ac virtutem Orientalium, qui vel hæretici erant,  
 vel defensores hæreticorum?

XIX. Dolet quod Romani Pontifices puriorem fi-  
 dem & disciplinam Ecclesiæ, onere & officio Primatus  
 vindicaverint, & non dolet quod Orientales scindere  
 maluerint Ecclesiam, quam impiorum hominum nomi-  
 na a diptychis eradere? Non ne manifeste patet O-  
 rientalium magis retulisse nomina hæreticorum, quam  
 Romana communio, & unitas Ecclesiæ Universæ? Non  
 ergo Romanorum Pontificum durities mala gravissima  
 in Oriente peperit, quæ firmitas Apostolica sanavit.  
 Mala quidem peperit, non Romanorum sævitia, ut  
 clamitas, sed nonnullorum Episcoporum, atque Impe-  
 ratorum Orientalium perfidia, quibus defuit omnino  
 Spiritus Ecclesiæ.

XX. Quamobrem Orientalis Ecclesiæ apologiam  
 frustra contra Romanam fingis & Occidentalem; nam  
 alteri cupiens per fas nefasque servire, ut alteram de-  
 primas, revera damnas utramque, & Ecclesiæ Univer-  
 sæ notam inuris infamiæ. De Romana enim asseris,  
 quod durante schismate Acaciano, spiritus Christi non  
 se prodiderit in ipsa, quandoquidem acriter illa con-  
 tendens, ut e diptychis eraderetur nomen Acacii, ple-  
 na fuit sævitia, superbia, duritie, & supercilio. Con-  
 tra

---

(1) Gelas. Pap. Tractat. seu epist. 24. Concil. tom. 4. col. 1216.

tra vero affirmas Orientalem pro Acacio fortiter pugnantem, spiritum habuisse qui defuit Occidentali; quoniam plena extitit fortitudine, conniventia, & moderatione erga heresim & hæreticos. Verum post annos sex & triginta a schismate incæpto, moderatio ista cessavit, cum prævaluerit Ecclesia Romana, quæ legem imposuit Orientalibus, & pacis condiciones præscripsit. Illis enim probatis, erasque nomine Acacii aliorumque, pax firmata fuit inter utramque ecclesiam, atque schisma extinctum. Itaque non a solis Romanis & Occidentalibus, sed ab Orientalibus etiam comprobata fuerunt omnia, quæ a summis Pontificibus peracta fuerant contra Acacium (1). Ideoque si vera essent quæ nugaris, spiritus Christi qui primum defuit Romanæ, postea defuisset etiam Orientalibus, & Ecclesiæ Universæ.

XXI. „ Confirmantur hæc omnia (ait Natalis Alexander) ex consensu Constantinopolitanæ, & totius Orientalis Ecclesiæ, quæ sententiæ a Romanis Pontificibus in Acacium latæ tandem subscripsit, & libello quem Legati Hormisdæ Pontificis Romani offerebant, cum pax inter utramque ecclesiam conciliata est. Joanni autem Constantinopolitano, & aliis episcopis qui memorato libello subscripsere, persuasum erat Acacium ea omnia admisisse crimina, propter quæ sententiam in eum tulerat Apostolica Sedes... Ex his colligitur Ecclesiam Orientalem agnovisse tandem, sententiam a Romanis Pontificibus latam adversus Acacium æquissimam esse, ipsumque damnassee post mortem, ac nomen illius expunxisse ex diptychis, (2).

XXII. Optima ergo sunt blandimenta, optima est dul-

(1) Vid. Tillem. in Acac. Artic. 38.

(2) Natal. Alex. Diss. citat.

dulcedo, optima conniventia & moderatio, quæ tamen non desinat in hæresis & hæreticorum assentationem; & ubi non periclitetur Fides, aut purior disciplina, honor Christi & Ecclesiæ. Si te hæreticorum patronum & advocatum præbes, habeant hæretici, habeant schismatici; sed, quod Deus avertat, te non habeant Catholici, licet te esse catholicum glories. Inter Romanos Pontifices qui, durante schismate Acacii, doctrina & sanctitate claruerunt, si tuæ dicacitati fides habeatur, spiritum exhibuit Ecclesiæ unus Anastasius Secundus, quoniam *voluit occulte revocare Acacium & non potuit*. Attamen dum fingis unum Anastasium laudare, suamque moderationem extollere, revera deprimis eundem, hæreticorum & schismaticorum calumniis, quas libentissime adoptas. Lege Severinum Binium in adnotationibus ad vitam Anastasii, quæ habetur apud sæpenumero errantem Pontificalis libri auctorem. Reperies igitur beatissimum illum Pontificem eo modo calumnia exagitatum fuisse a sectatoribus schismatis Laurentiani; ac proinde falsissimum esse quidquid ipsi vulgarunt de restitutione Acacii. Nam si Liber Pontificalis intelligatur de restitutione personæ, Acacius jam diem objerat supremum, antequam Anastasius ad Sedem Petri fuisset assumptus; si vero de restitutione nominis, falsum tribuis Bibliothecario, veluti scriptum reliquisset *Anastasium Papam paratissimum fuisse nomen Acacii restituere*, cum auctor ille nihil aliud asserat præter hoc = *quia occulte voluit revocare Acacium, & non potuit. Qui nutu Divino percussus est.*

XXIII. Nugas tamen esse patet ex epistola ipsius Pontificis ad Anastasium Augustum, quum sic alloquitur de Acacio, „ Precamur itaque clementiam vestram, „ ut specialiter nomen taceatur Acacii, ut quod multis ex causis scandalum vel offendiculum Ecclesiæ „ concitavit, speciali appellatione taceatur... Quan-

„ tos



„ tos vero excessus atque præsumptiones habuerit Aca-  
 „ cius, ne clementiæ tuæ suggerere per singula fortas-  
 „ se videatur onerosum, Cresconio, vel etiam Germa-  
 „ no, fratribus & coepiscopis meis, quos misimus ad  
 „ serenitatem tuam, de causis singulis Acacii qualis  
 „ fuerit, instructionem plenissimam dedimus, clemen-  
 „ tiæ vestræ specialius recensendam, si hoc pietati  
 „ tuæ placuerit curiosius indagare, ne in aliquo sug-  
 „ gestionibus nostris veritas defuisse videatur: ut pro  
 „ divina sapientia vestra perspicue videre possitis, *non*  
 „ *superbia vel elatione Sedis Apostolica* in Acacium  
 „ talem processisse sententiam, sed facinoribus cer-  
 „ tis &c. (1)

XXIV. Hæc Anastasius Secundus, cujus moderatio-  
 nem laudas exquisitissimis verbis. Merito quidem, sed  
 non absque injuriâ & mendacio. Etenim mentiris cum  
 asseris Anastasium decessorum suorum duritiem, quæ  
 durities non erat, damnasse, propterea quod censuerit  
 durius ipsos egisse cum Acacio. Nam quod tu studium  
 pacis, & moderationem vocas in Anastasio, minus per-  
 verse perfidiam appellant Maddeburgenses, Tilman-  
 nus Heshusius, alique hæretici; (2) quoniam magis  
 perfidiam quam moderationem redolent quæ post ip-  
 sos ex Bibliothecario imperite depromis. Eadem enim  
 esset ac illa, quæ ab Ecclesia universa uti vera perfidia  
 fuerat prius damnata in Vitale & Miseno Legatis Se-  
 dis Apostolicæ ad eundem Acacium.

XXV. Sed de Anastasio fati. Nunc vero dicamus  
 de Euphemio, & de Macedonio, quorum uterque unus  
 post alium in Episcopatum Constantinopolitanum suc-  
 cesserunt Acacio. Multa quidem mentiris de ipsis; nam  
 Roma-

(1) Anastas. Pap. II. ad Anastas. Imper. epist. 1. cap. 3. & 8.

(2) Vid. Bellarm. de Roman. Pontif. lib. 4. c. 10. Binium in  
 Vit. Anastas. Pap. Concil. tom. 4. Natal. Alex. Hist. Eccles. Sæcul.  
 5. Synops. cap. 1. artic. 11. de Anastas.

Romani Pontifices non solum eos non excommunicarunt, verum etiam admiserunt ad suam communionem uti vere catholicos, quamquam non admiserint veluti Episcopos Constantinopolitanos, & negaverint publicam Episcopalem communionem, nisi prius e diptychis eraderent nomen Acacii (1), Horum enim testem habemus Theophanem, qui ulterius affirmat Euphemium in Diptychis reposuisse nomen Papæ Felicis; hunc vero Synodicam recepisse Euphemii, & cum illo fuisse benevolentia conjunctum, uti cum Orthodoxo (2). Sed lege quæ de Synodo ab ipso Euphemio celebrata, habentur ex Libello Synodico. Sunt enim in promptu. „ Acacio autem, & qui ei successerat „ Flavita morte sublati, Euphemius Sanctissimus in „ solium Constantinopolitanum inducitur: qui Divi- „ nam & sanctam convocans Synodum, Chalcedonen- „ sem Synodum confirmavit, & acta Synodi Papæ „ transmisit: quem Felix, & occidentales Archiepi- „ scopi, *ut Orthodoxum quidem virum receperunt:* „ *non tamen ut episcopum:* propterea quod Acacii a „ Felice anathemate notati nomen e sacris tabulis non „ delevisset, (3).

XXVI. Quamobrem Natalis Alexander speciali dissertatione gravius & verius demonstrat, Euphemium & Macedonium neque hæreticos, neque schismaticos unquam fuisse; & rursus „ inter Orientalem Eccle- „ siam, & Occidentalem, Euphemii & Macedonii „ Episcoporum tempore, & sub Gelasii, Anastasii, „ Symmachi, & Hormisdæ pontificatu suspensa po- „ tius, quam abrupta penitus erat communio. Aliam „ enim longe rationem esse Acacii significarunt lauda- „ ti

(1) Fleury lib. 30. §. 21.

(2) Vid. Tillem. in Acac. artic. 55.

(3) Vid. Concil. Lab. tom. 4. col. 1054.

„ ti pontifices, ac Euphemii & Macedonii. Illum  
 „ enim anathemate configi; horum vero nomina ex  
 „ Diptychis dumtaxat expungi voluere. Quod argu-  
 „ mentum est, Acacium quidem schismaticorum pœ-  
 „ na plexum fuisse, Euphemium vero & Macedonium  
 „ ejus successores, a communione Catholica non fuisse  
 „ se segregatos „ (1).

XXVII. Quare sanctus Hormisdas, etiam si inter  
 conditiones pacis, & suæ reddendæ communionis vo-  
 luerit, ut ex diptychis expungerentur nomina eorum,  
 & fuerint revera expuncta; tamen post ejusmodi sa-  
 tisfactionem datam Ecclesiæ, non solum passus est ut  
 a Joanne Patriarcha orthodoxo, iterum in diptychis  
 reponerentur, verum etiam curavit, ut cum esset ad-  
 huc in vivis, ad Sedem Constantinopolitanam revoca-  
 retur Macedonius, in odium Fidei Chalcedonensis pul-  
 sus in exilium ab Imperatore Anastasio, qui a te per  
 summam veritatis injuriam contra sanctissimum Pa-  
 pam laudatur, tanquam zelaret schismatis extinctio-  
 nem qui omni modo schisma fovebat (2). Noli ergo  
 confundere communionem Catholicam cum Hierarchi-  
 ca & Episcopali; nam Romani Pontifices priorem il-  
 lam nunquam negarunt Euphemio & Macedonio,  
 quamquam negaverint aliquando posteriorem; cum  
 suam noluerint præstare episcopatus confirmationem,  
 nisi prius eraderent e diptychis profanum nomen Aca-  
 cii, qui vita decesserat impœnitens, & anathematis  
 fulmine *canonice* percussus. Sed posterior ista commu-  
 nionis privatio, ut optime observat Natalis Alexan-  
 der, non aliud præseferbat, quam *appendices eccle-  
 siasticæ communionis; nimirum epistolas formatas &  
 Synodicas, Legatorum Missionem, diptycorum hono-  
 rem*

(1) Natal. Alex. Sæcul. 4. Differ. 20.

(2) Vid. Tillem. in S. Maced. artic. 15. & Not. 6. sup. Euphem.

*rem &c. Itaque non sunt revera excommunicati qui a diptychis expunguntur, nisi sententia excommunicationis ab Ecclesia lata nominatim consingantur aut generalibus verbis significentur (1).*

XXVIII. Qua ergo fronte affirmas tu, sanctissimos viros Sabam, Theodorum, & Daniele Stilitam *præ ceteris* ab omni genere communionis, per excommunicationis sententiam fuisse a Romano Pontifice segregatos? Cum, schismate durante, servaverint ipsi pristinam Fidei Catholicæ simplicitatem, quin miscerentur in Acacianis turbis, ac ullam fumerent partem in istiusmodi negotio; imo vero Fidem Chalcedonensem omni conatu defenderent vel contra Basiliscum, vel contra Anastasium Imperatorem? Ex quo factum est ut Romani Pontifices, in tota illa cum Acacianis controversa, nullam fecerint de ipsis mentionem. Fecerunt tamen de Elia Hierosolymitano, & de Flaviano Antiocheno. Olim enim postulabat sanctus Hormisdas ut Orientales eorum nomina eraderent e sacris diptychis; sed jure non injuria poscebat. Nam Elias & Flavianus in Synodico Conciliabulo tantam conniventiam Anastasio Imperatori exhibuerunt, ut in gratiam ipsius Concilium Chalcedonense aliquo modo respuerint, cum non plene receperint, & apertissimis Eutychanis palam communicaverint. Atque inde evenit, ut Flavianus excommunicatus fuerit ab ipso Macedonio Constantinopolitano, æque ac fuerat olim Acacius excommunicatus a Romanis Pontificibus. Cur ergo Macedonium defendis contra Romanos, non vero Flavianum contra Macedonium?

XXIX. Verum quidem est tam Flavianum quam Eliam postea resipuisse, ac tantam egisse pœnitentiam, ut Deus exinde glorificaverit eorum sanctitatem. Sed  
quis

---

(1) Natal. Alex. Sæc. 5, Diss. 20, cit.

quis damnare merito potest prudentiæ leges, quas Hormisdas adhibuit in abrasione eorum nominum tentanda, cum nescius resipiscentiæ, interpositione quarundam Orientalium Ecclesiarum certior factus de quolibet crimine per pœnitentiam ab Elia & Flaviano expiato, ac ipsorum sanctitate comperta, destiterit a proposito, ac libentissime suam impertiverit communionem Orientalibus?(1). Verum cum soleas tu veneno infundere actionibus etiam sanctissimis Romanorum Pontificum, lege epistolas, quas Sanctus Hormisdas plurimas scripsit de hujusmodi negotio, & tanta charitate, sanctitate, moderatione, atque dulcedine præditum reperies, quanta injuria, atque temeritate ausus es eum damnare de imprudentia, pertinacia, duritie, & supercilio. Hinc est quod nonnisi per calumniam affirmare potes, instasse Hormisdam ut vi ac pœnis in illos Orientales animadverteret Augustus; & nonnisi coactum Orientalium invincibili resistentia, Imperatoris Justinii sollicitudine, & Epiphanii Constantinopolitani sapientia, sanctissimum illum pontificem pacem Orientalibus tandem aliquando dedisse.

XXX. „ Rescripserat quidem Justino Augusto ipsum  
 „ adhortans, ne aliquorum obstinatio redderet a pro-  
 „ posito pigriorem. *Durum enim videbatur, si effica-*  
 „ *cior esset eorum pertinacia, qui dividerent pacem,*  
 „ *quam firmitas eorum qui assererent unitatem.* Sed  
 „ quamquam (ait ipse) his urgemur angustiis, tamen  
 „ propter mansuetudinis tuæ considerationem, & vene-  
 „ rabilium Legatorum Joannis episcopi, Heracliani  
 „ presbyteri, & Constantini diaconi, allegatio nos  
 „ non inhumana permovit, qui innocentibus aut igna-  
 „ ris causæ remedia credidit esse poscenda: ad fra-  
 „ trem & coepiscopum nostrum Epiphanium scripta  
 „ trans-

---

(1) Tillem. sur Saint Macdon. Articl. 18. & 19.

transmisimus, *ut memor fidei, memor religionis*, quos dignos susceptione esse crediderit, & alienos a communione quam respuimus, sicut asseritur, innocentibus eos ad societatem suæ communionis admittat, libelli tamen, qui a nobis interpositus est tenore servato. Melius est enim, & magis Deo placitum, si *salva fide ecclesiastico corpori jungantur abscissi*, quam in abscissos transeant, qui in Beati Petri immaculata communione manserunt, (1).

XXXI. Hæc Sanctus Hormisdas, quibus perlate patet nequaquam instituisse virum sapientissimum, ut in prædictas Orientales ecclesias, vi ac pœnis animadverteret Justinus, sed quum deploraverit aliquorum obstinationem & pertinaciam, quibus placebat magis stare *cum mortuis, quam inherere cum vivis*, preces petentium communionem remisit arbitrio & prudentiæ Epiphani, quem, Sedis Apostolicæ Legatis Romam reversis, judicem petitionis constituit. Res tota sine ulla contentione composita fuit, unica epistola Imperatoris & Epiphani ad Hormisdam, & prima Pontificis responsione ad eosdem. Quid igitur ob id calumniaris Sanctum Hormisdam uti reum de pertinacia & duritie? Memento, mi carissime, quia *Testis mendax peribit* (2), & quia *odit Dominus proferentem mendacia* (3). Rogo ut me habeas addictissimum tibi. Vale.

(1) Hormisd. Pap. epist. 72, ad Justin. August. Concil. tom. 4. col. 1549.

(2) Proverb. cap. 21. v. 28.

(3) Ibid. cap. 6, v. 16. & 19.

The first part of the paper discusses the importance of the study of the history of the world, and the second part discusses the importance of the study of the history of the United States. The third part discusses the importance of the study of the history of the United States, and the fourth part discusses the importance of the study of the history of the United States.

The first part of the paper discusses the importance of the study of the history of the world, and the second part discusses the importance of the study of the history of the United States.